







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3923/A









Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3923/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3923/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3923/A

3923/A  
+ 6569











49 C. 35

7515


7515

Georgia, Bologna  
2/10



F. ix. 6  
16











NICOLAI MACCHELLI  
TRACTATUS  
DE MORBO GALLICO,  
SCRIPTVS IN GRATIAM  
IUNIORVM MEDICORVM  
ALMI COLLEGII  
MVTINENSIS.



AQVA NON SITIET



QVI BIBERIT EX HAC



IN AETERNVM.

Venetiis, apud Andream Arriabenum ad  
signum Putei. M D L V.





24515 (1)

NICOLAUS MACHRELLI


# TRACTATUS

DE MONDO GALILEO

SCRIPTVS IN GRÆCIS  
IVNIOVARI MEDICORVM  
AC ET COLLEGIIS  
MATHENSIS




ADVA NON EST



CALIBRELLER HVC

Venerabilis Patris  
PONTIFICIS M. L. V.



III  
COL



aliā cur  
has aggr  
cratic  
quā  
mus  
piam  
exam  
illa m  
Galeno  
ptoris  
vīme  
que  
quor  
coram  
vū quo  
di cui  
mmat  
ren  
tus



2  
I V N I O R E S M E D I C I  
C O L L E G I I M V T I N E N S I S  
L e c t o r i b u s . S .



V M sæpius audiuissemus Nicolaum  
Macchellum ciuem nostrum, uirum  
in re Medica præstantem, de eo mor-  
bi genere, quod nostrates Italli Galli  
cū uocant, differere, cognouissemusq;  
aliā curandi istiusmet morbi rationē inisse, ac alij ante  
hac aggressi fuerit, quæ tamen magis doctrinæ Hippo-  
craticæ aliorumq; ueterum physicorum innitatur,  
quàm cuiuspiam qui de hoc morbo scripserit: rogau-  
mus ipsum ut nostræ utilitatis gratia, scriptorem quem-  
piam, qui hoc negotium tractandum suscepit, sumeret  
examinandum, ostenderet que quo delinqueret à nitida  
illa methodo ab Hippocrate monstrata, exactèque à  
Galeno tradita. Ille autem libenti animo obsequens, scri-  
ptoris, quem ipsi attulimus, dicta recensens & diligen-  
tissime perpendens, mira facundia nobis tunc indicauit  
quæ parum consentirent, quæque discreparent ab anti-  
quorum doctrina. Cum uero optaremus, ut quæ semel  
coram narrasset nobis perlegenda traderet, ceu libe-  
rū quoddam munus: ipse, (quæ sua est modestia,) ne lau-  
di cuiuspiam seu uiuentis seu mortui uel minimum no-  
minatim detrahat, omnino abnegans, aliū potius labo-  
rem subire decreuit (cum alioqui nobis quoquo pacto sa-  
tisfaciendum esset) atque breuem tractationem conscri-

A ij



fit, quæ fulta methodo illa antiqua, omnia, quæ ad ipsum  
morbum spectant, persequitur, ipsius innixa rationibus  
atque principijs. Quæ quidem quantum ab alijs omni-  
bus, qui de huiusmodi materia hætenus scripsere, dissen-  
tiat, uos iudices estote. Hoc nos impulsus huiusce nostræ  
artis utilitati studentes, statuimus, ut commodius, citius-  
que uobis ac nobis satisfiet, non scriptis, sed typis im-  
pressis opusculum hoc ædere. Ipsum præterea præcibus  
adegimus, ut libellum R A Z A E de pestilentia quem  
ipse nuperrime è græco in latinum transtulit ederet,  
cum lues quoque hæc per contagium in genus huma-  
num grassetur, & maximum ab utrisque immineat uitæ  
dispendium. In qua quidem re facile perspicietis haud  
exiguos cæterorum interpretum lapsus, uel luce cla-  
rius: cognoscetisq; quantum polleat uir hic noster tum  
in exponendis suis met rationibus, tum aliorum sensibus  
interpretandis. Valete.



3

NICOLAI MACCHELLI  
TRACTATUS DE  
MORBO GALLICO  
IN GRATIAM IUNIORVM  
MEDICORVM  
ALMI COLLEGII MVTINENSIS.



OS vero cum omnia ferè quæ  
à multis medicis huiusce tem-  
pestatis de morbo quem Nea-  
politanum Galli, Itali Galli-  
cum vocant, fuere scripta, sub  
vnius exemplo, & eius quidem omnium ce-  
leberrimi, certissimis argumentis, & rerum  
experientia reiecerimus, nunc morbi eiusdē  
naturam, & causas, & quæ se sequuntur sym-  
ptomata, adhæc vero & curationes, pro vera  
veterum doctrina, si Deo placet, explicemus.  
Hic inquam morbus à loco primi conta-  
gii, & ab his qui ipsum primo susceperunt, no-  
men est consequutus. Nam quum Neapoli  
primum in homines irruisset, à Gallis mor-  
bus Neapolitanus est vocatus: quum  
vero Galli vel per intemperantiam, & ple-  
nam viuendi rationem, vel per caliditatem  
eius regionis in qua præter consuetudinem  
versabantur, viribus infirmati, eo morbo

A iii



plusquam alii indigenæ cepissent occupari,  
ab Italis Gallicus est uocatus.

Hic morbus & simplex & compositus esse potest. Simplex quidē est, uel in præternaturalium intemperaturarum genere, uel in genere tantum instrumentalium morborum, uel in eo quod ad partium præternaturalem uel unionem uel solutionem spectat. Quid enim obstat quin in corpore humano bene habito, minime excrementoso, bene attēperato, per insignem motum iuxta corpus aliud prauo hoc genere morbi inquinatum, per attritionem, per frictionem, per mutuum forum, feruidus quidam calor concitetur: de hinc mutua spirituum emissionē & susceptione prauum id uitium homini qui primo bene habitus erat, minime erat excrementosus, probe attemperatus erat, concepta iam feruida caliditate, quæ sensibilibus lædat functiones, cōmunicetur? Morbus tunc erit calida præternaturalis intemperatura: prauum illud uitium tertia quædam qualitas erit, quæ morbum nullo non tempore comitatur. Verum quod per mutuam attritionem, & frictionem, & mutuum forum, feruido calore excitato, corpora calefacta spiritum uicissim excipiant, & ex sese emittant, aliorum omnium exemplo nulli non patet. Nam fruges



si calefiant, & legumina & fructus, & folia, & stirpes, & ligna, & cætera denique quæ calefiunt, spiritum suscipiunt & emittunt. Quo fit, ut uir morbo Gallico inquinatus, si in cōsuetudine cum munda muliere sese ei ita mutuo affricet, atterata' que, ut mutuo calefiant, emissio ab eo spiritu, & eodem ab muliere suscepto, mulier inquinatur. sin inquinata est mulier, suo spiritu uitiato, uitiū uiro impartitur. Ratiocinatio hæc sumpta est ab Hippocrate libro De Natura fœtus. Sin corpus sit excrementorum, uel male habitum, uel prauè attemperatum, facilius per mutuam perfrictionem, uel forum, uel attritionem suscepto calore, dehinc succedente mutua spirituum emissionem, & susceptionem, excipit inquinamentum. Tunc' que in male habito uerisimile est ut uiscera iamdiu infirmata, primo inquinentur: In excrementoso humores, qui exinde naturæ facti hostiles, ab ea repudiantur, & pelluntur extra corpus, si penitus à natura superentur, scilicet uacuatione sensibus uel manifesta uel occulta: sin superentur quidem, at non prorsus, pelluntur per corpus ab hac parte in illam, donec in aliqua, quæ cæteris sit infirmior, sistant: in ea præternaturalem tumorem creant, quem præternaturalis intemperatura aliqua ferè comitatur. Tunc' que

A iiii



si sensibiliter læduntur particulæ functiones, id  
erit uel causa tumoris, & erit simplex mor-  
bus instrumentalis: uel causa intemperature,  
& erit simularium partium morbus simplex:  
sin utriusque causa, morbus erit compositus,  
scilicet & simularium partium & instrumen-  
taliū. Quod si hostiles illi humores insi-  
gnis acredinis sint participes, poterunt unā  
cū tumore & intemperatura aliquando non  
cutem solam erodere, uerum etiam subiectas  
partes, scilicet & carnes, & neruos, & membra-  
nas, & cartilagineas, demum & ossa ipsa.  
Quamobrem si per erosionem tantum, &  
non per tumorem uel intemperaturam sensi-  
biliter læserint functiones, morbus erit sim-  
plex partibus simularibus, & instrumentali-  
bus communis, scilicet continui solutio: Sin  
merito etiam tumoris & intemperaturæ, erit  
cōpositus ex omnibus morborū generibus.

Solent eiusmodi affectus tempore in ali-  
os uel sui generis uel alterius cuiusuis trans-  
mutari, simplices in simplices, in compositos  
compositi: intemperaturæ in intemperatu-  
ras, calidæ nimirum in frigidas, frigidæ in ca-  
lidas, humidæ in siccas, in humidas siccæ: tu-  
mores item in alios tumores migrari, & tan-  
dem iidem ipsi in abscessus. Hinc factum est  
ut multi medici uidentes in eodem morbido



5  
hominis statū tot metamorphosas, morbi natura  
fatis apte nequiverint deffinire. opinantes enim sub unico genere contineri, alii ad  
instrumentale genus, alii ad genus cōmune,  
alii tamen ad utrumque, nulli ferè ad intemperaturas deflexere. Nos uero non sub uno  
tantum genere morbi contineri, uel duobus,  
sed sub omnibus simul arbitramur, Vt ipsum ubi pluribus numeris cōstet, in hūc modum  
satis commodè possumus deffinire. Morbus quem nostrates Gallicum uocant, est præternaturalis  
congeries affectuum, sensibilibiter ac multifariam lædens functiones, à qualitate  
uenenosa non immunis. Vbi uero simplex sit, ita deffiniri potest, Gallicus morbus est affectus  
præternaturalis sensibilibiter lædens functiones, à qualitate uenenosa non immunis.  
Verum cum ex notitia simplicium quorumcunque composita ueniant cognoscenda, superest ut nos primum singulorum simplicium  
eiuscemodi morborum naturam exponamus, ut exinde compositorum natura nulli non sit aperta.  
Dicimus nos à diutina experientia edoctos esse, quod si duo humana corpora, quorum unum hoc genere morbi inquinatum sit alterum bene habet, sese mutuo motibus concitatis refriçēt, iuxta accumbant, se mutuo foueant; calefiunt primum, &



aliquando ita calefiunt, ut anhela uix tantum spiritus attrahant, ut satis sit pulmonibus refrigerandis. Hac necessitate caloris urgente, spiritus hinc & inde suscipiuntur, & emittuntur, ut inde ægri inquinamentum sano homini impertiatur ac communicetur. Primus igitur affectus calida est intemperies, quæ, ubi primum lædit sensibilibus functiones, simplex est morbus, ubi uero secum accersit tumorem aliquem præter naturam, cuius etiam gratia lædantur membri alicuius functiones, iam morbus compositus esse incipit. Hæc enim calida intemperatura, quam præludium huius morbi esse diximus, nisi præsto amoueat, præternaturalem tumorem ad sese trahit: talis enim est natura calidi, & uis. Is tamen pro ratione naturalium temperaturarum, & ætatum, & humorum, cuiusuis tumorum generis esse possit, nihilominus ferè in morbi initio ex genere est phlegmones. Hæc si aliquandiu perseveret, uel in abscessum uel in tumorem durum transit. Calida uero illa intemperatura, si diutius immoretur, primum spiritibus & sanguine digerendis transit in frigidam. Hæc gignendis cruditatibus & cumulandis, in humidam nigrat. Tandem uero & ista, deficiente idoneo alimento corpori, in siccam transit. Interim autem cruditatibus



6  
fluitatibus hinc & inde,uarii tumores fiunt,  
quorum aliqui uertuntur in abscessum, aliqui  
ita obdurescunt, ut marmorea tubercula esse  
uideantur. Perseuerante morbofo hoc statu  
fit hæc affectuum uicissitudo. Nec qualitas il  
la contagiosa, quam horum generum mor  
borum inseparabile symptoma esse opina  
mur, ullo unquam tempore intermittit, dese  
rit que. Hæc est huius morbofi status præter  
naturalium affectuum congeries, sub qua ali  
quando Gallicum morbum contineri dice  
bamus.

Singulorum causæ, tametsi iam obiter a  
nobis ferè sint enarratæ, nihilominus nunc  
etiam aliquantulum fusius explicabuntur. In  
temperaturæ calidæ, quæ initium est ma  
lorum, causæ sunt, motus concitati, mutuæ  
restrictiones, mutuus attritus, mutuus cum ac  
cubitus, tum etiam fatus. Tumorum ue  
ro præternaturam humores a modo rece  
dentes, simplicium quidem simplices,  
compositorum uero compositi. Hi uel in par  
ticula intumescēte generantur, uel aliunde aut  
pulsati, aut tracti congeruntur. Hi rursus in  
particula generantur ipsius uis concoctrice la  
borante, expultrice uim passa retinentur. Pel  
luntur autem uel quātitate, uel qualitate, uel  
utraq; ratione infesti. At trahuntur per ua



cui necessitatem, scilicet ne traciūis relinqua-  
tur locus. eam uero necessitatem facit uel im-  
modicus eius partis calor, uel alicuius appo-  
sitim edicamenti & natura & uis. Continuita-  
tem soluunt, quæcunque uel scindunt, uel cō-  
tundunt, uel distendunt uel erodunt. Scin-  
dunt, quæ per aciem quicquid sibi obuiat, se-  
parant: in his sunt quæcunque exterius per  
aciem secare possunt, quæ' que interius prædi-  
ta sunt ui tenuis caloris, frigoris uē. Contun-  
dunt quæcunque dura simul & grauiā in ali-  
quam rem sibi occurrētem inciderint; in ho-  
rum numero sunt præduri articularum tu-  
mores, qui uicinas partes suis necessariis mo-  
tionibus contundunt, laniant, lacerant' que.  
Distendunt autem quæcunque per immodi-  
cam copiam à suo loco nequeunt contineri,  
ut immodici uel humores, uel flatus. qui si  
à loco continentur uel suapte natura, uel ex  
acquisita intemperatura denso, ui maiore  
agunt, tanto' que maiore, quanto locus fue-  
rit dēfior: si uel natura raro, distendunt, sed  
minus quidem, ut simul & distendant, & ex  
parte digerantur. Erodunt autem quæ-  
cunque qualitate acria sunt, & ignea ui pol-  
lent. Verum si admodum uehementer  
ignea sunt, non erodūt solum, sed etiam exu-  
runt, & crustas parant. Hoc in extrinse-



cus uidemus, uidemus & in intrinsecis, tum  
intemperaturis, tum uisuiis succis. Hæc de  
causis. Iam de symptomatis singulorum dis-  
seramus.

Calida intemperatura quam inter mor-  
bos gallicos origine primam esse dicebamus,  
ardorem parit, aliquando in pene rātum uel  
pudendis mulierum, aliquando in cute cor-  
poris uniuersi. Hæc eadem si cutem occupet  
uniuersam, in ipsa ruborem, nitorem, ac splen-  
dorem parit. Insuper eadem ipsa absumendis  
ac digerendis pilorum alimentis efficit, ut hi  
languescant primum, dehinc quasi semimor-  
tui colore subobsceurentur, tandem uero &  
decidant. Interim oculi scintillant, atque illu-  
stratur. Quid? quod ob eandem caliditatem  
tunicis ipsorum rarefactis, spiritus ipsi uisui  
in seruiantes, attenuati in ambientem aerem  
dissipantur. quo factum est aliquando, ut ui-  
sus acies nonnullis sit imminuta, nonnullis ue-  
ro etiam cōsque sublata est, quoad amota  
calida intemperatura, & tunicis ad pristina  
densitatem redeuntibus, non amplius immo-  
dice in ambientem digerantur, sed, prout de-  
cet, retenti commodè suo inseruiāt instrumen-  
to. Hæc sunt ferè istius calidæ intemperatu-  
ræ symptomata. In tumoribus præter natu-  
ram phlegmone siue in pene, siue in locis mu-



liebribus, siue in inguinibus siue in aliqua  
quauis parte fiat, dolorem, pulsum, feruorē,  
& renitentiam parit, mutatque colorem af-  
fectæ partis. Verum erysipelas quoniam ex  
sanguine & bile flaua admodum calidis gene-  
ratur, maiorem calorem ostēdit, coloremque  
cum rubro magis flauum representat, quod  
si digito uel leuiter premas, sanguis, ut qui  
admodum tenuis est, statim subterfugit, rur-  
sumque illabitur, rubrumque colorē redac-  
cendit. Sunt duæ aliæ inflammationes quæ  
de sola bile flaua fiunt, quæ si crassa sit, cutem  
cui subest, exedit & nonnihil subiectę carnis,  
& uocatur exedens herpes. si tenuis, cutem  
tantum exurit, & non exest, hic uocatur her-  
pes miliaris: utraque naturalem particule co-  
lorem ad flauum uertit. Exedere & urere  
sunt morbi functiones uitiatæ. color immu-  
tatus ex genere est uitiatæ corporis qualitat-  
is nimirum eiusmodi inflammationū sym-  
ptomata. Dolent omnes quidem, sed phleg-  
mone omnium magis, dehinc exedens her-  
pes, postea miliaris, Erysipelas autem om-  
nium minus. Est & alia phlegmone, quæ cu-  
tem tantum attingit, minime uero subiectam  
carnem, & hæc quidem dolorem facit, & co-  
lorem in rubrum mutat, sed caret pulsu. Ge-  
nus hoc inflammationis glandem penis &



8  
locos muliebres in hoc morbo, quē gallicum  
uocamus, afficit non infrequenter: immo &  
frōtem, & partem capitis capillatam, & oris  
labra, & palatum & fauces. Huius sympto-  
mata sunt color ruber, calor immodicus, &  
sine pulsu dolor. Sunt & aliæ duæ inflamma-  
tionis species, quas tamen in hoc genere con-  
tagiosi morbi nos earum alteram uix semel  
uiderimus, nihilominus quia per medici uel  
imperitiam, uel socordiam, uel per languen-  
tis intemperantiam accidere possunt, nolu-  
mus ipsas silentio præterire. Vna est eiusmo-  
di. Sanguis influens ubi abundè calidus sit &  
crassus, in quācunque particulā affatim influ-  
xerit, ulcus in ea parit cum crusta, partes ue-  
ro circumiacentes in inflammationem extol-  
lit, & per feruorem admodum sæuum dolo-  
rem facit. Hæc sanè inflammatio Carbo nun-  
cupatur, cuius symptomata sunt exurere, cu-  
tis leuitatem uitiare, sæuum dolorem excita-  
re. Altera uero est, quam nos aliquando sub  
nostro præceptore, in pube hominis hoc gal-  
lico morbo laborantis sumus cōspicati. Con-  
fluebat ad locum sanguis ater, crassus, cæno-  
sus & feruidus, inde serofitas quædam tenuis  
superficiales quasdam bullas excitabat cute  
tenuis, earum quæ ab igne eleuantur instar.  
Quibus disruptis deprehendebatur subesse



crustosum ulcus. & hæc uero ipsa Carbo ap-  
pellatur. cuius etiam symptomata sunt, im-  
mensus feruor, dolor acer, cutis inæqualitas,  
demum etiam asperitas. Oedema uero est tu-  
mor mollis. hunc gignit aliquando spiritus  
flatuosus, aliquando influens pituita. Tumor  
hic cum in aliis corporis partibus, tum maxi-  
mè uel in articulis uel in extremis membris  
fieri solet. symptoma utrisque commune est,  
membri mollities, illius uero proprium, cute  
tenus perspicuum esse, huius subobscurò co-  
lore infici affectam partem. utrique citra do-  
lorem premi possunt, sub premente utrique  
concauantur: uerum in illo pars depressa af-  
fatim relabitur, in hoc relabitur, sed paula-  
tim. In tumorum præternaturalium genere  
est etiam Scirrhus, qui quoniam duplex est,  
exquisitus qui penitus caret sensu, & non ex-  
quisitus qui sensu quidem præditus est, sed  
ualde obscuro: hinc fit ut illius quidem sym-  
ptoma sit carere sensu, huius uero hebeti sen-  
su esse. Iam uero ad symptomata continua-  
tis solutionis, & continuitatis eorum quæ so-  
luta esse deberent, discendamus. Abscessus in-  
ter ipsas nobis primò sese offerunt, qui nimi-  
rum ob id Abscessus appellantur, quòd in ip-  
sis particulæ, quæ prius sese mutuo continge-  
bant, nunc interclusa aliena materia, mutuo  
dissi-



9  
disfident. Materia est uel humiditas quedam,  
uel spiritus flatuosus. Hæc quidem & disten-  
dendis particulis a quibus continetur, & ip-  
sis aliquando erodendis, dolorem semper in-  
fert: tunc uero magis, cum suppurationis tem-  
pus instat. Nam circa puris generatio-  
nem, dolores & febres maiores fiunt, quàm  
dum generatū est. Dolor igitur utrorūque cō-  
mune est symptoma. Præterea & alia sym-  
ptomata esse possunt, et penes qualitatem  
affectæ partis immutatam, scilicet uel calo-  
rem, uel frigus, uel duritiem, uel mollitiem,  
uel leuitatem, uel asperitatem, uel colorem si-  
ue magis album, siue cinereum, siue liuidum,  
siue nigrum, omnia scilicet pro ratione uel  
quantitatis, uel qualitatis materiæ quæ in ab-  
scessibus continetur. Cōrigere etiam aliquā-  
do in hoc morbi genere ulcera quedam in  
penis glande, & in interna parte præputii  
operientis, quæ per negligentiam uel medici  
uel languentis ita inuicem coaluere, ut nullo  
pacto præputium a glande diduci posset. cu-  
ius quidem præternaturalis unitio-  
nis symptoma præcipuum impedimentum est coe-  
undi: affectus autem est unitas eorum quæ  
naturaliter ab unice-  
m soluta esse debuerunt.

Sunt præterea tria alia symptomata, quæ tūc  
potissimum deteguntur, quando morbus

B



iam toti corpori est communicatus. Primum  
est grauitas scapularum. Secundum est iugu-  
lorum & summorum humerorum dolor, im-  
mo aliq̃do & brachiorum, & crurium. Ter-  
tium est faucium rubor & calor. Grauitatē  
scapularum à substantia uitiosorum humo-  
rum scapulis incumbēte oriri opinor: Dolo-  
rem autem ab eadem vel simili substantia, sed  
altius quidem infixam, in membranis scilicet,  
à quibus ossa operiuntur, & in tendonibus  
musculorum qui ad eas partes peruenere:  
quæ tanto tenuior quàm illa esse debet, quan-  
to meatus tendonum & membranarum mea-  
tibus carniū sunt angustiores. Verum quo-  
niam ii dolores noctu ingrauescunt, mite-  
scunt uero luce proxima: Sunt qui dixere, id  
primum noctis humiditati acceptum ferri, in-  
quientes ab ipsa internas humiditates auge-  
ri atque agitari. Nos uero augeri quidem hu-  
miditates ab noctis humiditate posse non ne-  
gamus, agitari autem nequaquam. Humidi-  
tas enim inefficax. Dicunt secundo, Natura-  
lem calorem noctu introrsum reuocari, hu-  
mores commouere, dolores ex eorum com-  
motione exacerbari. At nos arbitraremur na-  
turalem calorem, ubi ad uiscera reuocatur at-  
que unitur, uim maiorem concipere, & me-  
lius humores freno cohibere. Quamobrem



nos potius aliter diceremus, scilicet corpus à noctis frigiditate densari, digestionem acriū uaporum inhiberi, immo potius cogi atque uniri, & inde membranas, ossium operimenta ui maiore erodi. Nihil uero ad rem spectat id quod aiunt, scilicet humores à quibus gallicus excitatur morbus, ut plurimum frigidus esse: quia adhuc superesset quærere: cur frigidi humores noctu quàm interdiu magis uexent. Quod uero per corporis densitatem à noctis frigiditate acres uapores intus retineantur, indicio est, quod ex leui linteorum caliditate ac foru circa dolentes partes nonnihil mitescit dolor, dehinc perseverante calefactione ac foru augetur. quoniam leuis caliditas ac forus corpus rarefacit: uehemens ac diuturna præter hoc quod acredinem auget, plus acrium uaporum auget quàm digerat.

Fauciū autem calorem & ruborem excitat influxus sanguinis feruidioris. Nūc uero de præfagiis agendum.

Sunt qui affirment neque à Galeno, neque à quoquam antiquorum in hoc genere morbi præfagia quærenda esse, morbum hūc nouum esse asseuerantes. Sed oh rē nefariam & penitus perniciosam, scilicet discipulos à uera ueterum scriptorum doctrina auocare, ad sese & ad inania fabulamenta per



trahere. Verum mihi dicant quæso, quid in hoc genere morbi, quod nouum esse centies dicere non erubescunt, reperitur, cuius Hippocrates in præsagiis & prædictionibus, & consequenter Galenus in ipsorum expositionibus non fuerit memoratus? Præteriere ne ipsi silentio ulcera recentia, uetera, mollia, prædura, benigna, maligna, lutea, liuida, nigra, humida, sicca, & quouis modo intemperata, immo & alta, & quæ cutem tantum afficiant? Tacuere ne cuiusuis generis intemperaturas? simplices, compositas, cum materia, sine materia? Tacuere ne tumores præter naturam? duros, molles, mucronatos, non mucronatos? introrsum, uel extrorsum errumpentes? Tacuere ne suppuraciones uel internas, uel externas? Atqui hoc mihi saltem non negabunt, Vnicam scilicet omnis præsagitionis radicem esse, cuius Hippocrates in ipso statim præsagiorum initio est memoratus, quando secundum nostram interpretationem dixit: Morborum igitur eiusmodi naturas non ignorare est opus, quātū scilicet supra corporum uires emmineant. Sed quid aliud tādē est hoc, quā morbi uires cum corporum uiribus comparare? Morbi autem uires constāt ex eius substantia, ex præstantia affectæ partibus, & ex eius malitia. Quæ nimirum ex sym-



11

ptomatis dignosci possunt. At vires languen-  
tis cognoscuntur ex functionibus trium gene-  
rum facultatum. naturalis, vitalis, anima-  
lis. Naturalis sicut quadruplex est, ita quadru-  
plices sunt ipsius functiones, scilicet alimenti  
attractio, retentio, mutatio, & superflui excre-  
tio. Harum uero robur dignoscitur ex habi-  
tu corporis primum. Qui si bonus sit, hasce  
functiones ualidas esse ostendit: sin ad sum-  
mum attingat bonitatis, iam non caret uitio  
& est periculosus: non enim in eodem consi-  
stere potest, nec in melius proficere, reliquum  
igitur est ut in peius. Verum si malus sit, uel  
gracilis, uel tumens. si gracilis, corpus ἀτρεπὶ αὐτῷ  
laborare significat: sin tumens, plus attrahi at-  
que retineri, quàm immutari atque excerni  
ostendit ille talem præsagitur, hic vero aquā  
intercutem. Sed quam alia ratione ex uri-  
nis præsagimur, & alui excrementis, ex vo-  
mitionibus, ex sudoribus, ex sputis, ex nariū  
mucis, ex ceruminibus, ex lachrimis, ex sanie  
bus, ex pedendo, ex sternutando, ex ructan-  
do, quàm ut robur, aut infirmitatem huiusce  
facultatis indicemus? Quam alia ratione  
spirationis frequentiam, raritatem, magnitu-  
dinem, frigiditatem, & facilitatem, sed & pul-  
sum vehementiam, obscuritatem, & medio-  
critatem exploramus, quàm ut ostendamus

B iii



fortitudinem, aut imbecillitatem vitalis facultatis: Quid enim aliud ex decubitu præfagimur, ex oculis, & alio quouis sensus instrumento, siue communi, siue proprio, ex dentium stridore, ex conuulsione, ex manuum gesticatione, ex pandiculatione, ex appetentia, vel inappetentia, vel appetentiæ prauitate, ex constantia, vel inconstantia rationis, quam vt demonstramus, quæ sit vis facultatis animalis: Hæc est vera veterum medicorum præfagiendi ratio, non in antiquis morbis solum, sed etiam in his, quos isti nouos vocant, nec vlla est alia: quam summe opto, & spero, vt Deo optimo bene iuuante, tandem totis viribus amplectantur. De symptomatis autem fracturarum, ruptionum vasorum, & vulnerum, non est vt verba faciamus: quoniam ad morbum hunc, quem gallicum vocamus, nihil spectant. Reliquarum vero solutionum continuitatis symptomata abunde exposita sunt superius, cum de symptomatum tumorum præter naturam agebamus. Iam vero tempus est vt ad curationem singulorum transeamus, ab calida intemperatura auspicati.

Calida intemperatura, quæ inter hæc morborum genera primas partes habet, vt facile cognosci potest, ita & curari. Curatur autem per suum cōtrarium, scilicet per frigidam in-



temperaturam remediorum. Hæc autem cum altera sit qualitatū actiuarum, facile sese corpori insinuat. Vno igitur aut saltem altero die hæc intemperatura corrigetur, si quis probe & vt decet suam sibi contrariam admouerit, atque opponet. Admoueri potest exterius & interius: Exterius, per qualitatem frigidam aeris ambientis, per lauacrum, per illitiones, & per ea, quæ apponi possunt, Græci ἐπιθήματα appellant: Interius, per eundem aerem qui inspiratur, & qui dilatatione articularum trahitur in ambitu corporis uniuersi, & per ea quæ ore ingeruntur: ea uero sunt, cibī, & potiones, & frigida medicamenta. Domus igitur ad aquilonem spectet, ad frigidum permutetur frigidis irrigationibus, floribus, herbis, germinibus, fructibusq̃. Tepido dulci oleo illiniatur: dehinc ieiuno uētre, & purgatis alui excrementis, balneū ex aqua dulci temperata intret, in eo aliquandiu uersetur: cumque exitum apparat, sese in frigidam demergat, uel ex frigida irroretur: dehinc linteis mollibus detergatur, cubile intret, modice quiescat: postremo cibum capiat ex frigidis holeribus, ex teneris & arenosis pisciculis, ex acetariis & frigidis intrictibus, & cum modico saccharo poscam bibat, uel frigidam aquam, si ei insueuit, uel etiam cotonei,

B iiii



vel punici mali succum. Quod si, his peractis,  
adhuc magnum & frequens spiret, cordi frigi-  
da potestate apponantur. Hac enim demum  
ratione quicquid aduentitii caloris residuum  
est, illico summouetur, nec amplius phlegmo-  
nem expectare oportet siue in inguinibus, si-  
ue in pudendis fore, tutoq; poteris affirmare  
te morbum sæuissimum in prima sui origi-  
ne iugulasse.

Verum si, antequam ad languentem acces-  
seris, calida illa intemperatura phlemonem  
iam, siue in pudendis, siue in inguinibus exci-  
tarit, nec dum ea suppuret quidem, sed cruda  
existens fluxiones undequaq; ad sese conuer-  
tat, excipiatq;: Tu habita prius ratione uiriū  
ægotantis, nec non temperaturæ & natura-  
lis & per consuetudinem acquisitæ, & ætatis,  
& qualitatē ambientis, & neque non tempo-  
ris, quo morbi summus uigor expectatur: ita  
uiuendi formam institue, ut languens inte-  
rius refrigeretur, exterius modicè calefiat, ne  
per frigiditatem ambientis mala morbi qua-  
litas ad uiscera repellatur: ita nutriatur, ut ui-  
res summum morbi uigorem possint expe-  
ctare. morbi vero causa minime augeri pos-  
sit. Hac uictus ratione instituta, quoniam in  
foribus est morbus ingens, & sæuus ualde, si  
languentis vires, & ætas ferunt, venam ape-



rito, non ex superioribus aliquam, ne vitium ad viscera comportetur, sed ex infernis, siue in poplitibus, siue in malleolis. Quantitatem sanguinis uacuandi præscribant plenitudo, corporis robur, ætas, ambiens aer, anni tempus, cœli status, & regio. Antea uero cauendum nequid crudum resideat in intestinis, siue humor, siue cibus. Tale autem siquid insit, prius educendum est, uel leui sublutione, uel glande, uel casia, uel manna, uel lactis fero. His ita peractis, crura quotidie uacuo uentre linteis asperis & calentibus fricentur, vincula supra malleolos, & poplites adigantur, cucurbitulæ femoribus apponantur, nihil omitatur, quod influxum sæui huius morbi ad viscera possit inhibere. Quæ omnia sunt communia omnibus inflammationibus pudendorum & inguinum, de quibus agemus consequenter. Atque interim loco affecto nō repellentia quidem apponi debent, (quod ceteris quidem fluxionibus est commune, quatenus scilicet sunt fluxiones,) sed quæ trahūt, quæq; in halitum digerunt, ac maturant. Constant hæc ex pinguedinibus, ex coctis radicibus althææ, bryonæ, bulbis liliorum, ex pinguibus caricis, similibusq;. Quod si uel myrrham, uel bdellium, uel ammoniacum addideris: trahent quidem magis, nec suppuratio



nem inhibebunt. Tu ex aliis simplicibus medicamentis potestate his similibus alia composita tibi ipsi parare poteris, prout locus, & temporis occasio expostulabunt. Dum hæc peraguntur, nulla intercadat dies, qua aluus non leuiter stimuletur siue leui sublutione, siue glande: quod nimirum intestinorum uis retentrix ex humidis & pinguibus non nihil quodammodo laxetur, atque infirmetur: & natura, quæ humanum corpus regit, infuscat eo suas superfluitates deriuare. Hoc uero perpetuum esto in gallici morbi curatione. Id uero etiam ut commodius & exactius fiat, singulis diebus aliqua potio uentri uacuo est propinanda, quæ in primis infrigidet, & detergendis & secandis succis corpus fluidum reddat, immo & bonam aluum faciat. Parantur hæc ex decoctis passularum, myxariorum, intubi, cicerbitæ, & similibus: Quibus decoctis si addatur uel syrupus acetosus, uel oxyzachara, vel de acetositate citri, præter hoc, quod bonam aluum faciemus, sistemus humorum fluxiones, & humores dominio naturæ subiiciemus, & obstructa aperiemus, & quicquid reliqui est calidæ illius intemperaturæ, adimemus. Verum si phlegmone transeat in abscessum, quoniam tunc partes phlegmone affectæ ab inuicem diducuntur, & materia



subintrat aliena, dolores augentur, neque nō  
 & febres, modo præcesserint, sin non præces-  
 serint, tunc maxima ex parte excitatur. Quæ  
 vero subintrat materia, uel naturam affectæ  
 partis superat, uel ab natura superatur. Si su-  
 perat, uel retrocedit, & per totum corpus spar-  
 gitur, ut uiscera & reliquas corporis partes  
 malo hoc genere morbi inquinet, uitietq. &  
 tunc primum humeris ingens pondus impo-  
 nitur, ut plumbi magna moles sibi incumbe-  
 re uideatur. dehinc paulo post dolores iugu-  
 la & summos humores inuadūt, qui uix pau-  
 lulum interdiu remittuntur, noctu inuale-  
 scunt. dehinc consequenter incipiunt fauces  
 rubere, incalescere, dolitate, deglutio lacescī  
 uox rauescere. Sed hic non est locus, in quo  
 de morbi communicatione sit agendum. Ad  
 phlegmones igitur abscessus reuertamur. Di-  
 cebamus abscessus materiam, contra naturam  
 uictoriā obtinere, uel ab natura superari: ob-  
 tinere uictoriam, quando uel retrocedit, & to-  
 ti corpori communicatur, uel naturam affe-  
 ctæ partis corrumpit, & emortuam, & sensi-  
 bus carentem reddit, hoc erat quod nobis sup-  
 plendum fuit. Gangrænam hunc affectum  
 uocant, quem nos quidem, quoniam raro in  
 gallico morbo fieri accidit, silentio præte-  
 rire decreuimus, Sin natura materiam su-



perat, uel prorsus exacte, uel non exacte quidem, si exacte, illam quidem fundit, dissipat, discutit, in aerem ambientem uertit, nec amplius gallici morbi timor est reliquus: sin non exacte, illam ad semimalam naturam mutat, scilicet in pus. Tuncq; pro uictoriae ratione mitescit dolor, durities remollitur, renitentia, rubor, & calor remittuntur, omnia fiunt leuiora. Cum vero pus iam genitum est, cessat dolor omnis, & iam tempus instat aperiendi, nisi sponte, erosa cute, foras pus errumpat, prodeatq;. Si igitur sponte non errumpat, scalp pro aperiatur, sanguis prodire sinatur pro uirium ratione, dehinc cohibeatur oui candido. Pus uero si album sit, leue, & æquale, nihil est quod timeamus, neque gallicum morbum quidē, modo probe & ut decet expurgetur. id quod fiet, si pro modo sordis detergatur, ficcetur pro modo puris. Verum inter ficcandum ratio habeatur non temperaturæ solum languentis, verum & ætatis, & sexus, & qualitatis aeris ambientis, immo & temperaturæ affectæ partis. Nam non solum qui per naturalem uel acquisitam ex consuetudine uiuendi temperaturam, & qui per ætatem, & sexum sunt ficci, sicciore egent medendi ratione, quàm qui humidi: Immo etiam ii, quorum pars affecta per naturam sicca est, adhuc



multo magis medicamentorum ui egent ficio-  
 re, quàm ii quorum pars affecta humida  
 est per naturam. Atqui in detergendo sensus  
 acuitas, uel hebetudo particulæ laborantis  
 operi modum definiunt, ac præscribunt. si-  
 quidem quæ acutiore est sensu, optat deter-  
 gētia mīiora: quæ hebetiore, fortiora. Sed ne  
 que in caui ulceris curatione uictus ratio con-  
 temnenda. eget enim cauum ulcus alimento  
 quod qualitate & quantitate modum seruet.  
 siquidem alimētum, quod per qualitatem a  
 modo aberrat, si immodicè calidum est, sor-  
 dem & saniem acres reddit. si immodicè frigi-  
 dum, ulcus impallescit, aut liuet, nigricat uè,  
 alimentum non probe concoquit, in sui sub-  
 stantiam non immutat. sin humidum nimis,  
 ulcus & humescit, & sordescit. sin siccum ni-  
 mis, etiam ulcus ipsum siccescit, & priuatur  
 alimento, quo deficiente, labra fiunt gracilia  
 lorī instar, dehinc pallida, liuida ve. Verum  
 si alimentum per quantitatem à modo defi-  
 ciat: si sit nimis multum, ulcus fit excremen-  
 tosum; sin paucum nimis, squallet & priuatur  
 alimento. Tamen si uero alimentum utraq; ra-  
 tione optimum in cauum ulcus deferatur, ni-  
 hilominus, nec quod deest carnis aggenera-  
 bitur, neque ulcus æquabitur, nisi cuiq; ex  
 subiectis ulceri particulis sua insit temperies



naturalis . ipsa enim est quæ alimentum ad  
se se trahit, tractum tandiu retinet quoad im-  
mutet, & suo subiecto assimilet uniatq̃. Quā  
obrem si qua particula sit immodice frigida,  
quoad satis est, calefiat: si calida, refrigeretur: si  
sicca, humefiat: si humida, siccetur: pariterq̃ si  
calida & sicca, frige fiat & humectetur. sicq̃ de  
aliis compositis ad proportionē, habito sem-  
per respectu ad temperamentum suæ ipsius  
sanitatis. Quod si præterit, nunc ipsum quæ-  
rere non est opus, sed quod adest, seruari de-  
bet. Verum quoniam in curatione caui ulce-  
ris, siccantium & detergentium fecimus men-  
tionem, multa autem sunt eiusmodi: non alie-  
num fuerit horum aliqua ad memoriam re-  
uocare. Siccant igitur sine morfu in simplici-  
bus olei fex, oleum dulce sine sale lotum: fer-  
mentum, quod præterea ex imis trahit, dige-  
ritq̃: cerasi gūmi, cyperi radix, sapa, myrrha,  
sarcocolla, stibium, tragacanthum, terra om-  
nis, maximè si sit lota cadmia, tutia multo-  
tiens lota, calx lota, & oui tum album tum  
lutaum. immo et radix bryonię, & asphodel-  
li, magis uero & ipsius cinis. adhuc uero &  
omnia metallica, & lapidea & terrena. In his  
omnibus siquid est quod per acredinem sit su-  
spectum, id toties aqua omnis qualitatis ex-  
perte lauetur, quoad acredinem, quam gustu



deprehendere poteris, amiserit. Detergunt autem teste quoruncunq; animalium testa in tectorum, mel, radix bryoniæ, aristolochia, asphodelli radix, succus absynthii, staphis agria, elleborus uterq;, marrubium, propolis, Mastiche, terebinthina, sagapenum, cucumeris agrestis radix, beta, terra chia, & samia, exustum cornu ceruinum & caprinum, & quicquid inuenire possis vel nitrosum vel amarum. Vlcera vero sordem sine morfu purgat, quicquid dulce est, & tenues partes habet, velut eruum, hordeumq;, & fabæ. Tu ex his & multis aliis similibus sumptis indicationibus ex naturalibus, non naturalibus, & ex his quæ sunt præter naturam, poteris tibi ipsi composita medicamenta comparare, quæ naturæ caua ulcera implenti & æquanti per hasce binas facultates opem ferent: Nec te quidem huic certissimæ rationi & stabili fulcro nitentem fallent. Verum deinceps medicamenti compositi vim & potentiam ex languentis sensu poteris coniectari. Nā si appositum vlcera adeo momorderit, ut ægrotus ipse se vim ipsius sustinere non posse affirmet, certus fies nimium deterfisse. Quod si vim ipsius non senserit, non satis deterfisse cōiectator. Siccandi autem vis & modus & ex quantitate puris elicies, & ex naturali tempe-



ratura corporis uniuersi & affecte partis, præ-  
terea ex ætate, sexu, ambientis qualitate, &c.

Iā vero ad erysipelas descendamus. Si igitur calida illa intemperatura, quam initium & veluti carcerem esse diximus, unde hic gallicus morbus promouetur, erysipelas euocari, siue in pudendis, siue in inguinibus, siue in pube, (Ad hæc enim loca fluxiones primo immitti solent,) siue purum sit erysipelas siue phlegmonem secum adiunctam habeat, omnino eadem ferè methodo curari debet, qua phlegmonem curari dicebamus. scilicet ut fluxionem quidem ita inhibeamus, ut si fieri possit, nihil ad superiora, idest ad viscera repellatur. Mittatur igitur sanguis ab infernis venis, fricentur crura à fœmoribus ad extremos pedes, supra poplites & malleolos uinciantur, affectus locus lauetur sæpe ac foueatur posca admodum diluta & tepenti, dehinc leuiter detergatur, consequenter vero iterum ac frequenter ex unguento rosaceo Galeni actu frigido foueatur, modus apponendi fuerit, quoad ex refrigeratione senserit leuamentum. Quod si calida illa intemperatura flauam bilē acciuerit crassum feruidamq̃, & inflammatio in iam dictis locis vel in eorum aliquo sit oborta, hæc nō cutem solam ex est, verum etiam aliquid subiectæ carnis, quam

Her



herpetem uocant exedentem. Hanc igitur curare aggrediamur. Influxio, quantum fieri potest, trahatur in infernas partes, nihil in supernas refluere permittatur, de partibus inflammatis nihil repellatur. Quoniam igitur magnus morbus est, & adhuc maiorem fore suspicamur, aperiatur ex inferioribus venis aliqua, sanguis dematur pro ratione virium, ætatis, temperamenti, ambientis aeris etc. crura, ut dictum est, fricentur, vinciantur. cucurbitulæ femoribus apponantur. Quoniam vero superius, cum de cura phlegmones agebamus, dictum fuit, aluum esse extimulandam leuibus subluotionibus glandibusq; potionibus esse leniendam, corpusq; simul esse refrigerandum, & per easdem motus humorum sistendos esse, uias esse aperiendas, & exemplum posuimus alicuius eiusce modi potionis: necessum non est ut eadem in curatione reliquarum inflammationum repetamus. sunt enim hæc omnibus eiusce modi inflammationibus communia. Verum herpes exedens illud etiam cum erysipelate commune habet, quod refrigerari postulat, verum non pariter atque erysipelata humectari, Immo refrigerari quidem, & insigniter exiccari. Quamobrem non ei conferunt diluta posca, & vnguetum rosaceum, & succus la

C



Stucæ, & intubi, & palustris lenticulæ, & sem-  
peruiui, sed statim folia rubi contusa, & cani-  
ni rubi, & arnoglossi, dehinc vero & lens ad-  
di potest: Interim vero & farina hordeacea,  
& mel. At supralocum ulceratum satisfacere  
rint quæcunque detergant, siccantq̃. supe-  
rius eorum syluam adnotauimus. Tu ex his,  
spectans ad ea quæ ibi diximus, poteris tibi  
ipsi composita comparare. Verum si per im-  
peritiâ medicî, uel per ægri intemperan-  
tiam putredo ima petierit, & latius pabula-  
rit, tu globulis illis utitor, qui ad Polyidem,  
uel ad Pasionem, uel ad Musam, uel ad An-  
dronem referuntur. Illos uero soluito uel ex  
passo liquefaciens, uel ex uino albo tenui, &  
subadstringente: semper in memoria habens  
temperiem & ægri, & affectæ partis, nec non  
& reliqua, quorum superius fecimus mentio-  
nem, ad quæ uidelicet vires medicamento-  
rum temperabis. Forte etiam cogeris ignito  
utî ferramento, id quod nec te decipiet qui-  
dem, modo id affectæ parti tutò possis admo-  
uere, quod nimirum magna difficultate & lo-  
cis muliebribus, & palato, & faucibus admo-  
uetur. Atqui si per ægri timiditatem, uel per  
loci affecti angustiam, & cauernositatem eo  
utî nequeas, uteris mysi, & chalcitide, uel so-  
ri, uel calce, uel arsenico, uel sandaracha: ea



excipito vel passo, vel vino, vel mulso vel  
 aceto mulso: vel etiam vti poteris compo-  
 sito illo medicamento, quod refertur ad Aegy-  
 ptios, habent enim & hæc igneam potesta-  
 tem. Succedit inflammationis quartum genus  
 quod cutem vrit, circum circa bullas excitat.  
 tamen subiectas partes non attingit. Hoc ge-  
 nus inflammationis semel vidimus nos cum  
 morbo hoc gallico commisceri. Cum superio-  
 re id commune habet, quod refrigerari & fic-  
 cari postulat: at minus quidem quam illud,  
 quoniam partes cuti subiectas, nisi admodum  
 diu perennet, minime afficit, sed cutem tan-  
 tum. Propterea his per illitiones quæ ex Glau-  
 cio fiunt, satis fiet, id Memithe nostrates vo-  
 cant. soluitur ex aqua, cui si non satis fecerit,  
 acetum addi potest. Huic etiam affectui pro-  
 sunt plantaginis & solani succus. Quod si  
 temporis diuturnitate subiectas cuti partes in-  
 uaserit, tunc confugiendum erit ad curatio-  
 nem herpetis exedentis. Verum quoniam  
 morbi longitudine solet mala huius morbi  
 qualitas visceribus communicari, iam tunc  
 purgationum ratio habenda uenit. Quod  
 .n. tarda mali curatione toti ferè corpori ē im-  
 partitū, desinit iam suspectū esse. & nos qui-  
 dem hætenus purgatoriorum medicamento-  
 rum usum declinauimus, ne forte per ipsa ui-



tiati succi gallici morbi ad viscera traherentur, nunc vero malo ipsis communicato abire suspitio. sed de hoc aliàs. Nūc ad Phymata idest ad tumores illos paruos, qui ferè pudenda primum, dehinc reliquas corporis partes, maxime vero frontem, & mētum, & partem capitis capillatam, neque non & palatum, & fauces obsident, descendamus. Hæc dū adhuc tantum pudendas partes male habent, non omisissis reuulsionibus ad infernas partes, de quibus iam semel & iterum locuti sumus, his quæ tenui substantia consistunt, & in halitum digerant, excuti, atque curari debent. scilicet fotibus, illitionibus, & cataplasmatibus. In eorum classe sunt oleum uetus, oleum cedrinū, oleum rosaceum, oesipus, leonis adeps, pardi, hyenæ, vstum abrotanum, uitex, bryoniæ radix, aristolochia, sicca plātago, radix asphodelli, radix rubi, radix glycyrrhizæ, amōmū, asari radix, sales, flos salis, nitrum, arsenicum vstum, sulphur, melāteria, mysi, æs, sandix, sepiæ testa exusta, & exustæ lanæ: insuper opobalsamum, terebinthina, & propolis, & gūmi, & mastiche, & euphorbium, & fermentum, multaq; alia, quæ longum esset enarrare. Tu vero ex horum aliquibus fatus, & illitiones, & cataplasmata poteris comparare, modo temperaturæ corporis uniuersi & affe



Etæ partis, & ætatis, & sexus, & qualitatæ æ-  
 ris ambientis, & naturæ morbi non desinas  
 memorari. Verū si aliqua ex his non excu-  
 riantur, sed in pus uertantur, fiunt ulcera que-  
 dam rotunda, subdura, & prærubra, Græci  
 εὐκα uocant, nos vero ficus, hæc maligna sunt  
 & insigniter siccari postulant. Profunt vero  
 medicamenta, quæ ex alumine scisso conficiū-  
 tur, & ære usto, & taurocolla, æquis portioni-  
 bus, & duplo horum ex æris squama, ubi exa-  
 cte trita fuerit ex aceto, & illita. quod si ni-  
 mis momorderit, pro aceto, posca utitor. sin  
 adhuc nimis mordeat, uino subadstringente  
 uice poscæ, acuitatis enim sensus habenda ra-  
 tio. Conferunt & halecularum exusta capita,  
 & assati bulbi, & cinis aceto mixtus. Quod si  
 spargantur per cutem corporis uniuersi, utē-  
 dum eadem medendi ratione, scilicet euocati-  
 ua, sed ex alio principio. In priuati membri  
 phymate mali uitiū ne in uiscera serperet, ten-  
 tabamus euocare, in phymatis totius corpo-  
 ris euocamus, ut operi naturæ opitulemur.  
 scriptum est enim: Vndecūq; natura repit, in  
 de ducere oportet per conuenientes regio-  
 nes. Conuenientissima autem regio est cu-  
 tis, quæ corpus nostrum ambit. suapte enim  
 natura emunctoriū est corporis uniuersi. Cu-  
 tis igitur rarefacienda lenibus frictionibus,



ventre vacuo, illitionibus euocantibus inun-  
genda, in hypocaustis diu ac frequenter, quò  
abundè sudet immorandum, cucurbitulæ ini-  
bi toti ferè corpori affigendæ, & pro uirium  
robore, ætate etc. scarificanda est cutis, de-  
hinc sapone detergenda, tepida abluenda, &  
cum exitus apparatur, linteis tepidis siccan-  
da. vlcuscula postremo præscriptis illitioni-  
bus, vel similibus facultate, illinienda. Verum  
quoniam diximus phymata quæ per cutem  
corporis uniuersi sparguntur, pariter atque  
illa quæ pudendas tantum partes occupant,  
per cutem digerenda esse, atque excutienda,  
sed ex diuerso tamen principio: siquidem pu-  
dendorum phymata ideo digerenda per cu-  
tem esse, ne eorum materia ad uiscera retroce-  
dat: hæc vero, quò naturæ eò mouenti opitu-  
lemur, atque foueamus. Quocirca Hippocra-  
tis authoritatem adduximus, scilicet. Vnde  
quaque natura repit etce. Quidam obiecit  
neque ineptè quidē inquiring, tantā excremē-  
tosam materiam corpori inesse posse, ut nisi  
saltem leui purgatorio medicamento minua-  
tur, uix phymata ipsa nisi admodum longo  
temporis spatio sanari posse. Subiit statim  
alius quidam, obiciens Galeni authorita-  
tem, qui alopeciam (in qua nimirum, sicut &  
in hisce tuberculis, natura mouet ab nobilio-



ribus ad ignobiliores partes humorem uitiatum) curat purgatione .eadem igitur ratione, inquit, & in phymatis purgare licet. Nos uero hisce argumentis respondere posse arbitramur in hunc modum. Natura cum in alopecia & phymatis mouet ad cutem humorem uitiatum, is humor non pariter utrobique est uitiatum, nam in illa uitiatum est per prauam qualitatem manifestam, scilicet per acredinem erodentem, atque exedentem: in his uero per prauam qualitatem & occultam & manifestam. Quamobrem primum casus sunt diuersi. Præterea in utrisque hisce motibus ab internis ad externa, natura vel sponte mouet vincens humorem, quem mouet, vel non sponte quidem, sed per modum symptomaticis, idest impulsæ, & uim passæ ab humore quem mouet, si sponte quidem mouet, & ob tenta uictoria supra humorem, sibi opitulandum est ac fauendum, & inde ducendus est, quo natura ipsum inclinât, cum regio sit opportuna. neque timere oportet vel alopecie vel phymatum incrementum. nam uincente natura humorem, is iam coctus est, & ad mediocritatem suæ substantiæ, & suæ temperaturæ reductus, iam non amplius mordax est, nec immodice crassus est, ut sub cute possit retineri, alioquin natura non uinceretur. tuto igitur

C iiii



tur eo trahi potest, cum iam deposita crassitie  
sub cute non immoretur, sed vel in sudorem  
manifestum, vel in halitum immanifestum di-  
geratur, & in ambientem dissipetur. Quod si  
natura non sponte, sed per modum sympto-  
matis, idest extimulata & uim passa mouet, id  
illi euenit, vel per humoris uitiatam qualita-  
tem, vel eiusdem quantitatem, vel utriusque  
ratione. Statue igitur naturam utraque ratio-  
ne extimulari, ad hunc enim modum uis natu-  
rae illata magis apparebit. Tunc vero vel ex  
eo humorum motu suspitio erit aliquid uehe-  
mentioris morbi quam sint phymata ipsa,  
vel alopecia, puta vel leprae, vel elephantia-  
seos, vel cancri, vel gangraenae, & similium  
perniciosorum malorum; vel nulla talis est sus-  
picio. Si autem tale aliquod perniciosum im-  
mineat, humoris motus non solum remitten-  
dus est & retardandus, verum etiam inhiben-  
dus. Quod si dixeris, Vade cunctae natura re-  
pit, inde ducere &c. Dicimus Hippocratis  
theoremata perpetuo verum esse, cum natura  
sponte mouet, non impulsam, non uim passa-  
alias nequaquam semper. Medicus enim per-  
petuo imitator est naturae sponte agentis, non  
extimulatae, neque in furorem actae. Verum  
si nihil aliud sauius expectatur: si per quanti-  
tatem stimuletur, quantitas est demenda, siue



multis ad motis cucurbitulis & scarificatis ipsarum locis, siue ciborum abstinentia, vel ciborum paritate, siue frictionibus, siue externis illitionibus: si per qualitatem, ipsa per contrariam qualitatem est corrigenda. Hoc vero est coquere humorem, & ad mediocritatem sui temperamenti & substantiæ reuocare. Quæ ubi feceris, tunc intēdito ad naturę motum, qui si sit ad cutem, tu pariter per cutem euocato. Is enim motus iam est naturæ sponte agentis, non amplius extrimulata, nam humor ad mediocritatem & substantiæ & temperamenti est reuocatus. Sin natura coctum humorē quiescere sinat, tu moue ipsum, si natura mouere deberet, ac non mouet quidem, moue inquam, siue per medicamentum purgatorium, scilicet si purgandus humor alui sit uicinior, & viæ ad ipsam aluum sint paratę. id quod est corpus fluidum esse, vt dicebat Hippocrates: siue per vomitorium, si in ventriculo fluïtet, atque innatet: siue per medicamentum quod vrinam cieat, scilicet si humor sit supra iecur, ac nō admodū sit multus. Subscribunt hæc doctrinæ magni Hippocratis, neque Galeno vel tantillum aduersantur.

Nūc vero ad binas alias inflammationes, quæ ex genere sunt carbonum, diuertamus. Hæ eisdem fere indicationibus curationem



expostulant, quibus & exedens herpes. scilicet ut vlcus qua parte est crustosum, vehementibus siccetur medicamentis, at tanto mitioribus quidem, quanto minus ima petit, ac depascit. Verum per ambitum crustosæ partis apponantur quæ refrigerent, siccantq̃. Globuli igitur & Andronis, & Pasionis, & Polyidæ soluantur, non ex passo quidem neque ex vino neque ex posca, sed ex aqua vel ex succis siue sereos, siue plantaginis, siue solani. In ambitu autem vel eædem herbæ contusæ apponantur, vel earundem succi, vel etiam cataplasma ex erui farina, & aceto mulso. Verum cum absoluerimus curationes omnium solutionum continuitatis, quæ contingere solent in hoc morbi genere, nunc curationem institutamur vnitæ solutionis. Dixeramur superius, aliquando in hoc morbo euenire, ut per vlcera glandis penis & præputii, ita inuicem coalescant, ut nullo pacto diuelli queant, & eo maxime si tumet penis. Quamobrem primum particulam tepidis, quod tumor remittatur, foueri oportet; dehinc pinguibus irrigari, vt renitentia subsidat, & vlcuscula de integro suppurentur. Interueniente enim pure, vnitæ partes ab inuicem separantur. Hic profecto curationis modus vnitam solutionem sanat, promouet autem continuitatis solutio-



nem. Alius vero curandi morbus est, vt citra puris generationem partes præter naturam vnitæ, scalpro separætur. Atqui nihilominus particulam affectam fotibus tepidis, irrigationibus, & illitionibus præparare oportet. Id quod neque citra prouocationem vlceris assequi licet. Nunc ad Oedema transeundum. Tumorem hunc per binas causas, a quibus prodit, duplicem esse dicebamus, flatuosum vnum, alterum pituitosum. Ille in his qui ex aqua intercutem male habent, vel in tabe, vel in alio malo habitu in cruribus & pedibus oriri solet, potiusq; symptoma, quàm morbus debet appellari. Quamobrem de ipso nunc agendum non est. Verum oedema quod fluxio pepererit pituitæ, in hunc modum mea sententia curari debet. Pituita vel concreta est, qualis in vetere oedemate esse solet, uel liquida. si concreta, prius liquari debet dehinc & digeri et siccare, & repelli. Liquatur pingui, ac leui frictione, & tepidis lotionibus, fotibusq;. Digeritur per ea, quæ caliditatē tenuē habēt, quale est lixiuium, magis uero etiam si sulphuris sit particeps. digeritur etiam noua spōgia adligata. Siccatur & per nitrum, & aphro nitrum, & alumen si lixiuio sint adiecta. Repellitur autem per vincula, si de inferioribus ad superiora, quemadmodum in fracturis, de



ducantur. At si liquida sit pituita, non tanta  
medicamentorum ui opus habet. sed satis  
erit noua spongia ex aqua lixina & aceto ap  
posita, & adligata. Sēper uero mollitudinis,  
& duricie corporum habenda ratio. nam  
mollioribus mitiora, durioribus vehemētio  
ra medicamenta sunt ex usu. Iam de Scirrhis  
ultimo loco agendum. Duplices hi sunt, sen  
su præditi, & carentes sensu. Qui sensu carēt,  
carent & spe sanitatis, nihil enim, cui sanitas  
inniti ac super extrui possit, habent. Quis  
enim marmor vel gypso spiritum uitalem  
inspiret? De hoc igitur frustra laborandum  
non est. Alter uero, quia durus est, remollitio  
nem, quia res præternaturalis est, exolutio  
nē poscit. Remollitionem ex medullis & adi  
pibus comparabis. in medullis præstantissi  
ma est ceruina, dehinc vitulina. in adipibus,  
anserinus, in genere uolatilium, in quadrupe  
dum genere leoninus: post hos in uolatilium  
adipibus gallinaceus, in quadrupedum par  
di adeps: dehinc uero ursinus, & taurinus. His  
igitur pinguibus, uel horum aliquo scirrhus  
illinitor. Illud uero seligitor quod scirrhus  
& naturali corporis uel mollitudini, uel du  
ritiei idonea proportionē correspōdet. Quod  
si ui maiore uti oportet, aliquid ex malacticis  
adiicitor: talia autem sunt quæ sub sole fundi



possunt, scilicet ammoniacum, bdellium, myrrha, opoponax. Miscentur hæc aduersus scirrhos pinguibus, scilicet oleis, adipibus, & medullis, quò simul tumor, & remolliatur, & inhalitum digeratur. Verum si durities probè sit remollita, possunt ex solo aceto & solui, & illiniri. Atqui si durus tumor nerueam musculi partem uel articulum aliquem obsideat, tunc maiore uir remollientium, & digerentium uti est opus. Primum igitur tumor ille durus pingui perfusione præparetur, pingue illud oleum tenue esto, quale est sabinum, uel id in quo uiride anethum sit incoctum, uel origanum, uel serpillum. dehinc membrum denso linteo opertum ex ignito lapide pyrite, aceto acerri-  
mo super asperso suffiatur. interea membrum sese inflectat, erigat, nullum motum non tentet, ad hunc enim modum commodè lique-  
scit tumor. dehinc vero appposito aliquo ex medicamentis, quorum superius fecimus mentionem, discutitur atque euanescit.

Dicebamus supra cum de abscessu agebatur, quòd si materia abscessus inguinum, uel pudendorum ita naturam superet, ut ipsa materia retrocedat, & per corpus spargatur uniuersum, Viscera & reliquæ corporis partes hoc contagio morbi gallici inficiuntur. De hoc igitur inquinamento nunc agendum.



Quamobrē si delitescēte abscessu scapulæ  
ingrauescant, si iugula & summi humeri do-  
litent, ingruit suspitio non contemnenda gal-  
licum morbum iam totum corpus occupasse.  
Quod si præterea fauces rubeant, tumeantq̃,  
iam non suspitio solum instat, sed certa fides,  
certus euentus rei. Grauitas igitur scapula-  
rum, quæ ex genere est lassitudinum, &  
faucium rubor & tumor, & iugulorum do-  
lor, corpus excrementosum esse ostendunt.  
Quamobrem consideranda est præterita vi-  
uendi ratio hominis laborantis, in cibis, in po-  
tionibus, in ocio, in labore, in animi affecti-  
bus, in vigiliis, in somno, in corporis excre-  
mentis, siue præter consuetudinem uel expur-  
gatis, vel retentis, vel etiam secundum mo-  
rem excretis. Quæ omnia si corpus excreme-  
tosum esse ostendunt, spectandæ urinae certis-  
simum quidem indicium eorum excremento-  
rum, quæ intus sunt in venis. Insuper habenda  
est ratio temperaturæ præsentis, siue sit na-  
turalis, siue sit acquisita, ætatis, habitus, & qua-  
litatis aeris ambientis: quæ unà cum urinis in-  
dicabunt, qualia & quæ sint corporis excre-  
menta, Num scilicet ex genere bilis vtriusq̃,  
an ex genere pituitæ, item num tenuia,  
num uero crassa, num etiam glutinosa, an glu-  
tinositate carentia. Cruda autem esse nemo



est qui ambigat. Non enim morbi promouē-  
 tur à cocta materia, sed à cruda. Languens per  
 ætatem uigeat, habitu gracili & hirto, aer am-  
 biens sit calidus siccusq̃, tempus uero æsti-  
 uum. urina sit abunde flaua, pauca, tenuis, &  
 acer valde, nihil continens. Ex his liquet ma-  
 teriam esse bilem flauam, calidam, tenuemq̃  
 & acrem. Hic nimirum omni ratione, idest  
 per viuendi rationem, & per medicamenta  
 postulat se refrigerari, & humectari. Versetur  
 igitur in aere frigido humidoq̃, irā, uigilias,  
 & labores uitet, ac sicut singulis diebus cibū  
 capit, ita & communia excernat excrementa,  
 stercora, lotiaq̃. Quod uero natura non fece-  
 rit, tu porionibus, & his quæ mandi possunt,  
 & sublutionibus, & glādibus extimularo. Ci-  
 bi frigidi sunt humidique. panes primum ex  
 triticea farina bene munda cum modico fer-  
 mento, modicè cocti, sine salibus. uescatur fri-  
 gidis holeribus, ptissana hordeacea cum oleo,  
 aceto, & sale non immodicis. Nam illud qui-  
 dem si modum excesserit, cibis supernatat, &  
 nidorulenta eructationes mouet. acetum ve-  
 ro si immodicum sit, ptissanam acescere facit,  
 quod vitium sibi ferè est peculiare. sales autē  
 immodici siccant nimis, nimisque adstringunt.  
 Vescatur & saxatilibus piscibus, qui ex infir-  
 mo aceto, vel ex vnæ acerbæ succo condian-



tur. Bellaria suntolactucæ cauli, capita papa-  
ueri albi, intubi, sem. melonum & coriandro-  
rum & cucurbitæ & melones, omnia ex  
candidissimo sacchare condita. Vinum al-  
bum esto, tenue, & aquosum, minime uetus.  
Nunc vero ad medicamenta descendamus.  
In medicamentis ea refrigerant & humectāt,  
de quibus supra cum pudendorum & ingui-  
num phlegmones curationem tractabamus:  
eadem quia etiam bonam aluum faciebant,  
huic nostro negotio inseruiant, conferentq̃.  
Idonea etiam erūt quæ ex rosis, quæq̃ ex uio-  
lis & sacchare apparantur: Immo & illa con-  
fectio, quam <sup>διὰ ῥόδων</sup> Græci uocant, necnon  
ea, quæ à tribus sandalis nomen est adepta.  
Interim vero dum per hanc uiuendi formam  
& per hæc & eis similia corpus & humores  
immutantur, vrinæ spectentur diebus singu-  
lis. Quæ cum prius essent admodum flauæ, &  
tenues, & valde acres, nihilq̃ in sese haberent,  
& paucae essent, nunc maiore copia mingan-  
tur cum substantia nonnihil crasfiore, minus  
acri, colore hebetiore, cum quadam tenui nu-  
becula inæquali, & rubra. Hæc ubi primum  
apparent, indicia sunt obscuræ cuiusdam co-  
ctionis. Tu nihilominus prædictorum medi-  
camentorum vel similium vsum non desere,  
sed numero dierum & syruporum spreto, uri-  
nas,



nas, quæ tibi tandem exactam excremento-  
rum coctionem ostendent, obseruato. Hæ au-  
tem, ubi mediocritatem fuerint assequutæ in  
substantia, in quantitate, & colore, & nubecu-  
la, quæ alias rubra erat, & inæqualis, & te-  
nuis, nunc modice crassa apparet, albaq; & le-  
nis, & æqualis: spectato, quò natura tentans  
excrementorum purgationem, ea ipsa excre-  
mēta inclinet, num scilicet ad uesicam, num  
ad os ventriculi vomitum factura, num vero  
ad aluū, num ad cutē, vel pustulas, (id quod  
tamen uix accidere posse crediderim, si affa-  
tīm cocta sunt excremēta), vel sudores euoca-  
tura. Quicquid autem horum tentet, tu eius  
operi inseruito, & opitulator. Nam unde-  
cunque natura natura repit &c. Si igitur mo-  
ueat ad uesicam, medicamentis quæ urinam  
cieant admisceto, scilicet vel erysimum, vel  
asarum, vel calamum aromaticum, vel origa-  
num, vel thymum, vel pulegium, vel thym-  
bram, vel aliud ex cōsimilibus potestate: Sin  
ad os ventriculi, fauces vel digitis vel penna  
oleo madente stimulatō, sit vero vel nardinū,  
vel cyprinum, vel irinum: Verum si ad cutē:  
tu ipsam rarefacientibus, & detergentibus,  
præparato. rarefacies leuibus frictionibus  
ex pingui aliquo, quod tenue sit, quale est oleū  
fabinum, chamemelinum, & anethinum: qui-

D



bus si mel addideris, simul & rarefacies, & detergebis. adduc uero magis, si addideris Terebinthinam, uel oleū abiegnum. Quod si adhuc vehementius detergere & euocare uolueris, cum oportunis pulueribus perfricato. Tales sunt ostrearum & bucinarū & purpurarum testæ in tenuē pollinē redactæ. Sulphur uero hac facultate, ita excellit, ut cum uetere oleo, uel melle, uel terebinthina scabies & lepras, & lichenas non infrequenter sanet eiusmodi enim affectus abstergit, materiarum autem ipsarum nihil pellit in ima corporis, id quod ex eiusce generis medicamentis non pauca facere consueuere. Eadem pollent potestate sales usti, & nitrum, & aphronitrū, & spuma nitri. Atqui alcyonia omnia detergunt, & excutiunt quidem, asperitatem enim omnia in sese habent. uerum illud quod asperum nuncupatur, leue quidem est in superficie, asperum tamen est intus, calidissimum uero est omnium, ut etiam exurere pilos queat. quocirca aliis mitioribus utimur aduersus lepras, & uirilignes, & scabies, & lichenas. sed asperum alcyonium cutem non solum detergit, uerum etiam abrasit, ulceratq. milessium uero alcyonium, quod uermibus persimile est figura, & colore rubens, molle est consistencia, & omnium tenuissimum. quocirca



ipso usto cum pingui aliquo, ad cutem deter-  
gendam, & superfluitates euocandas vti pos-  
sumus magna securitate. Tu uero pro quanti-  
tate & modo substantiæ humoris euocandi  
mitioribus & uehementioribus uti potes. Ve-  
rum interim, dum cutis apparetur, potioni-  
bus et medicamentis quæ manduntur, aliqua  
sunt admiscenda ex his, quæ sudores mouēt:  
cuiusmodi sunt cyminum, anisum, serpyll-  
um, polium, sisymbrium, costus, dictamum,  
& quæcunq; alia impetu sui caloris ad cutem  
pellunt. Quod si natura ad aluum mouet, tu  
medicamentis purgatoriis, quæ bilem flauam  
purgent, opitulator. Sunt vero ex simplici-  
bus coma Absinthii, cuius decoctum & infu-  
sum dantur ab vnciis quinque ad octo, pulue-  
ris ipsius à drachmis duabus ad tres, succi à  
drachmis tribus ad quatuor. Item Rosæ, qua-  
rum succus cum sacchare ab uncia una usque  
ad duas propinatur. Syrupus autem factus  
cum succo, ab vnciis duabus usque ad quinque.  
Itē & Violæ. quarum decoctum & infusum  
datur ab vnciis quatuor ad octo, succus vero  
ab uncia una usque ad duas, syrupus autem  
ab vnciis duabus usque ad quatuor, conditū  
uero ab uncia una & semisse usque ad tres.  
Manna præterea, quæ datur à drachmis sex  
usque ad quindecim. Adhuc uero & Myro-

D ii



balani lutei, qui triti dantur à drachmis duabus vsque ad quinque, eorum vero infusum à drachmis quinque usque ad uiginti. Sūt præterea & Tamarindi, qui dantur ab unciis duabus usque ad quinque. Quin & Lactis serū, quod ab unciis sex ad libram propinatur. Hæc uero exiguam uim habent: Maiorem Rha barbaricum, cuius infusum datur à drachmis duabus & semisse usque ad decē, eius vero contusum ab drachma una ad quatuor: Adhuc uero maiorem Scāmonium, quod à granis quinque vsque ad duodecim dari potest. In cōpositis Electuarium de Psyllio, Electuariū Rosatum Mesues. Electuariū Diacidoniten, Infusio rosarum, quam Syrupum rosatum solutium uocant, et Electuariū succi rosarum Nicolai. Habita igitur ratione temperaturæ, & ætatis, & habitus, & morum hominis laborantis, insuper & qualitatis aeris ambientis, & temporis anni, & status cæli, nec non humorum quantitatis, adhuc uero & loci, de quo sunt trahendi, medicamenta tibi siue simplicia, siue composita seligito. Verum si exuperat pituita, cruda est illa quidem in morbi initio, sicut de flaua bile dicebamus. Est igitur vel aquosa nimis seri instar, vel crassa, vel etiā glutinosa. Illa calefieri postulat, quò inter calefaciendum, resoluta aquea sui parte, resi-



duum ad substantiæ mediocritaten reduca-  
 tur; Hæc non calefieri solum, verum & deter-  
 geri, & secari, diuidi q̃. Calefaciunt, sicut de re  
 frigerantibus dicebamus, & oportuna viuen-  
 di ratio, & medicamenta, siue mansa, siue epo-  
 ta, siue apposita. Statuamus igitur mulierem  
 adolescentulam, colore candidam, pinguem,  
 tactu mollem, glabram, ocio indulgētem, me-  
 dio hyeme & eodem frigido, euanescente abs-  
 cessu vel pudendorum vel inguinum, senlis-  
 se in scapulis grauitatem, summis humeris, &  
 iugulis indoluisse, uix q̃ præ rumore faucium  
 deglutire, & iam cæpisse rauescere. quis vl-  
 tro hanc morbo gallico inquinatam esse du-  
 bitabit? nemo quidem. His signis apparenti-  
 bus ego sanè ipsam & morbo gallico inqui-  
 natam, præterea per sexum, per ætatem, colo-  
 rem, pinguitudinem, tactus mollitiem, cutis le-  
 uitatem, demum per ocium, cui indulgit, etiam  
 excrementosam esse coniectabor. Quod si  
 præterea meierit aquosum, tenue, nihil in sese  
 vel sedimenti, vel suspensi, vel nubeculæ con-  
 tinens: iam non solum & morbo gallico in-  
 quinatam, & excrementosam esse, sed etiam  
 oculata fide credidero, in ea serosam exubera-  
 re pituitam. sin vrina alba sit & crassa, & con-  
 tineat vel nubeculam, vel rem suspensam cras-  
 sam, obscurā, vix solubilem: opinabor pitui

D iii



tam crassam & viscidam exuberare. ambæ,  
quia crudæ sunt, coctionem indicant: illa per  
unicam calefaciendi facultatem: hæc per hanc  
ipsam, & per facultatem detergendi, scilicet  
per ea, quæ suapte natura caliditatem ac redini  
associatam habuere. In ratione victus, sexus,  
temperatura, & mores, non calefacientium  
sed frigidorum usum indicant. In morbis  
enim, quæ consueta sunt, qualia sunt seruari  
postulant, ut quæ sunt per naturam. seruan-  
tur autem omnia per sui similia, sicut per sui  
contraria submouentur. Quamobrem cum  
hæc languens per sexum, et temperaturam, &  
mores frigida sit, refrigerationem exposcit: at  
per humorem exuberantem, id est per pitui-  
tam, & per ætatem, & per qualitatem aeris  
ambientis, & per anni tempus, et cæli statum,  
se insigniter calefieri indicabit. Spectet igitur  
victus ratio ad calidum, sed tanto minus, quā  
to eadem indicatio sexui, temperamento na-  
turali, & moribus languentis aduersatur. Cū  
igitur paria sint numero, quæ in victus ratio-  
ne refrigerationem cum his, quæ calefactio-  
nem indicant, mediocritas inter calfaciendum  
& frigefaciendum seruanda venit. Quamob-  
rem omnia ad mediocritatem spectent, Do-  
mus, in qua habitat, cibi, & potus, exercitia,  
somnia, animi affectus, nec non & quæ con-



sueta sunt singulis diebus expurgari, scilicet  
 stercora, vrinae, & quaecumque per cutem dige-  
 runtur. Ad hunc enim scopum intentus pote-  
 ris omnia facile per teipsum reperire. Pariter  
 vero & medicamenta ad temperatam calidi-  
 tatem spectent, videlicet quae sorbentur, quae  
 deuorantur, & quae exterius apponuntur.  
 Nunc vero modicam caliditatem habent, vr-  
 ticæ semen & folia, anagallides utraque, dul-  
 ces amygdalæ, glycyrrhizæ radix, oleæ radix,  
 & ipsius maturus fructus, Eryngium, cicerbi-  
 ta sicca, & iuncus odoratus, uulgo squinan-  
 thum vocât. Potes horum aliqua & alia simi-  
 lis facultatis ex aqua coquere, sacchar decocto  
 addere, adhuc vero & passulas, & myxaria,  
 ut simul cum moderata calefactione aluus le-  
 niatur, & id languenti mulieri propinare. po-  
 tes item potionem moderatæ caliditatis ex sim-  
 plicibus contrariarum facultatum, scilicet ca-  
 lidarum & frigidarum conficere, cui si aliqua  
 addideris quæ bonam aluum faciant, sicut pas-  
 sulas, glycyrrhizam, et palmulas, nihil ulterius  
 in huiusmodi excrementoso affectu pote-  
 ris desiderare. Hac methodo Ioannes Mesue  
 suum syrupum, quem acetosum diarodon ap-  
 pellauit, et syrupum de hyssopo composuit, qui  
 in hoc genere excrementorum sunt peropor-  
 tuni, ad quorum exemplum poteris alios tibi

D iiii



comparare. In his vero quæ mandi possunt,  
ex usu essent conseruæ boraginis, & buglosfi,  
item mel rosatum cum foliis. Nostro autem  
proposito conueniret confectionem quæ à  
rosis Diarodō appellatur cum pari portione  
aromatici rotati, commiscere. Hæc enim iuua  
re possunt crudæ pituitæ coctionem, nec pos  
sunt immodicum calorem excitare. Viscera  
vero, quorum vires necessariae sunt succis cō  
coquendis, hoc est ventriculus & iecur, cum  
moderatè calidis, modiceq; adstringentibus  
foueri possunt. hoc est cum absinthii coma, et  
sicca menta æquis portionibus, addita ambo  
rum quantitate ex rosis siccis. Hæc super te  
gula subignita calefiant, atque interim asper  
gantur vino tenui, odoro, & moderatè ad  
stringente, & illis ipsis visceribus apponan  
tur. Interea dum hæc aguntur, numerum die  
rum, quibus illis medicamentis usus fueris,  
minime computato, id quod faciunt pleriq;  
nostrates medici, & nihilominus apud rudem  
vulgum sunt illustres: sed vrinas per singu  
los dies contemplator, quæ ubi tandem me  
diocritatem habuerint, prout decet in exube  
rantia pituitæ, scilicet in modo substantiæ &  
in colore, & in his quæ continentur, purgatio  
nis iam quidem instat tempus. Quamobrem  
obseruato quò natura hunc pituitosum suc



cum expurgatura dirigat, atque inclinet, scilicet, ut de bile flaua dicebamus, num ad os ventriculi, num ad aluum, num ad vesicam, num vero ad cutem. & ad quancuncq; harum partium mouerit, ipsam iuuato, ut superius didicisti. Nunc igitur de vomitu, de cute preparanda, & sudoribus euocandis, deq; cienda vrina, nihil differemus, cum superius de his satis abunde dixerimus. Verum purgationem per aluum non licet silentio præterire. quoniam pro ratione purgandi humoris opus est medicamenta seligere. Purgant enim hæc bilem flauam, hæc pituitam tantum, hæc vero melancholiam, nec desunt quæ bina humorum genera, quæ vè omnia simul purgent. Trahunt enim pituitam in myrrobalanis, Cebuli, qui triti dantur à drachmis duabus ad quatuor. eorum vero infusum à quatuor drachmis usque ad decem, Item Emblici, & pariter Bellirici, qui triti exhibentur à drachma vna ad tres. infusum vero eorum ab drachmis tribus ad sex. Adhuc Hyssopus hortensis & montanus, quorū decoctio datur à drachmis quinq; ad decem. puluis à duabus drachmis ad quatuor. & hæc quidem facilliter: Maiore autem vi Turbith, Is enim in puluerem redactus datur à drachma vna ad duas, eius vero decoctum à drachmis duabus ad qua-



tuor. Præterea & Agaricus, cuius puluis dari  
potest a drachma vna ad duas, decoctio à  
drachmis duabus ad quinque. Adhuc vero mul-  
to maiore vi purgat Agrestis cucurbita, quā  
Græci κολοκύνθη & appellant, cuius substantia  
datur à caractis sex vsque ad decem, floris ve-  
ro ipsius à drachma vna ad duas. Modus ve-  
ro reliquorum dicetur paulo inferius cum de  
purgatione agemus humorum diuersorum.  
Præterea & Tithymalus, & Elateriū, & gra-  
num Gnidiū, & Cartami semen. Hæc de me-  
dicamentis simplicibus quæ ducunt pituitam.  
In cōpositis Picra Galeni simplicior pri-  
mas habet, quia cum facilitate trahit pituitā,  
& humiditates crudas in visceribus attenuat  
& detergit & concoquit, immo & resoluit,  
flatus item discutit, & viscerum robur auget.  
Atqui purgat vehementius eundem humo-  
rē Hiera Hermetis, & Archigenis, in super &  
medicamentum ex Palmulis, & φοινίκων vo-  
cant. Potes iam per teipsum siue simplicibus  
purgatoriis pituitæ vtī, siue ex eisdem com-  
posita comparare, siue vtī cōpositis aliorū,  
modo indicationes sumas cum ab humoris  
purgandi modo & substantia, tum à loco in  
quo residet, tum vero à viribus, & tempera-  
mēto, & habitu, & ætate hominis laborantis,  
item à regione, & aeris qualitate, anni tempo



re &c. eadem vero tibi etiam modum medicamenti porrigendi, & temporis occasionem indicabunt. Verum affectus etiam hominis purgandi in purgationibus ipsis iuris non nihil habet. Aliqui enim ita affecti sunt, ut purgatoriam potionem sorbere nequeant, pillulas autem facile possint deglutire, uel etiam crassiores bolos. aliqui neque illud, neque hoc faciant, sed solidiora sacchare operata mandant, deuorentque. Tu ergo taliter affectorum habeto rationem, & pro ipsorum affectu medicamenta componito, ac suppeditato. Tempus vero iam est ut de exuberante melancholia differamus. Languens igitur iuuenis esto bene habitus, colore per naturam flauus, modice hirtus, venas habeto latas. arteriarum pulsus per sanitatem magnos & fortes, modice celeres & frequentes, non molles non etiam duros: nunc vero paruos, infirmos, segnesque, & raros, immo iam etiam nonnihil duros. sic nunc præter consuetudinem aluo astricta, sicca admodum deiciat, & nidorulenta, et nigra. mingat tenuia, pellucida, acria, nihil in se habentia vel sedimenti, vel suspensi, vel nubis. Hic inquam medio vere, & eodem temperato, ex delitescente inguinum vel pudendorum abscessu grauitatem in scapulis iam aliquandiu sentire coeperit, indoluerit summis



humeris, iugulis, & sincipite, tumores duri  
sincipit occuparint, hi ita inhæreant, ut calua-  
riæ impacti esse uideantur. Nos ex delitescen-  
tia abscessus inguinum, & scapularum graui-  
tate, ex dolore in summis humeris, & iugulis,  
& sincipite, & ex tumoribus duris caluariæ  
hærentibus ac ferè impactis, hominem opina-  
bimur gallico morbo laborare. Verum ex ho-  
minis ætate, & habitu, & colore naturali, &  
temporis anni temperie, ad hæc ex pilorum  
mediocritate, venarum amplitudine, pulsu  
naturalium bonitate, præsentium vero parui-  
tate, imbecillitate, duritie, ac segnitie: opinabi-  
mur non solum gallico morbo laborare,  
sed etiam admodum & periculoso & sæuo.  
In morbis enim magis periclitatur quicunq;  
naturæ, ætati &c. Atqui ex alio præter mo-  
rem astricta, ex stercorebus siccis, tetris, ac ni-  
dorulentis, Item ex urinarum tenuitate, per-  
spicuitate, & contentorum caritate, non du-  
bitamus melancholiam exuberare, & eandem  
per vstionem a sui generis mediocritate reces-  
sisse. Ad mediocritatem igitur per sui contra-  
ria reduci debet, dehinc purgari. Contraria  
sunt humiditas & frigiditas moderatæ; di-  
cimus moderatæ, quoniam hic languens per  
naturalem temperaturam, ætatem, perq; cor-  
poris habitum naturalem, nulla eget mutatio



ne, sed sui tutela tantum, sed per humorem  
 vstum, quo immodicè est refertus, postulat et  
 frigesieri, & humectari: tantum scilicet, quan-  
 tum à mediocritate bilis, succus hic declina-  
 uit. Hæc vero & per viuendi rationem, &  
 per medicamenta quæri debent. Verum quo-  
 niam de his in ea parte, in qua de curatione  
 calidæ præternaturalis intemperaturæ, & in  
 curatione, siue præseruatione, quæ fit per pur-  
 gationē bilis flauæ, satis loquuti sumus: nunc  
 opus non est vt de victus ratione vel de me-  
 dicamentis, quæ bilem vstam ad bilis medio-  
 critatem reuocant, differamus. Sed nūc illud  
 tantum debemus obseruare, vt tãto frigidio-  
 ribus, & humidioribus victu & medicamen-  
 tis vtamur, quanto bilis vsta, flaua bile cali-  
 dior est ficiorq̃. Vrinæ vero sæpissimè con-  
 templandæ. Hæ vbi mediocritatem prout li-  
 cet in atræ bilis excessu adeptæ fuerint, in co-  
 lore, in modo substantiæ, & in contentis: tunc  
 statim purgationis ineunda ratio, & sedulo  
 obseruanda est naturæ inclinatio ac propen-  
 sio. Verum si natura succum hunc, siue ad cu-  
 tem, siue ad uesicam dirigat, quomodo sibi sit  
 opitulandum, superius, quantum negotio ex-  
 pediebat, dictum fuit, nec opus nunc est vt ea-  
 dem vel similia repetamus. Atqui si succum  
 hunc ad os ventriculi moueat, idest si vomiti-



tionem attentet, tametsi dixerimus quomodo vomitio sit proritanda, nihilominus huic tanto affectui, & naturæ hominis admodum contumaci, nostra quidem sententia, satisfactum non est. Extremis enim morbis extrema remedia sunt ex usu. Quocirca ad Elleborum confugiendum esse arbitramur. potest enim elleborus corpora permutare, temperaturam corrigere, & eandem iuniorem & fortionem reddere. Verum non omnia hominus corpora medicationem per elleborum ferre possunt. sed uiri quidem magis quam mulieres, & ex his ipsis quidem, qui per habitum sunt fortiores. Quamobrem qui effœminati sunt, & qui admodum sunt habitu pingues, vel etiam exiles, quiq; pectore sunt excarni, & longo collo, pueriq;, & senes, & qui admodum frigido sunt temperamento, quiq; bene habent, & sanguine abundant, & qui difficulter vomunt, tandem vero & qui animo sunt pusilli, nequeunt citra periculum ellebori usum ferre. Utendi vro tempus opportunum ver, dehinc autumnus: incōmoda sunt æstas & hiems, nisi magna vrget necessitas. Quocirca ubi vrget necessitas per elleborum minore noxa curari possunt hieme, qui admodum calido sunt temperamento, æstate vero senes. Cœli status oportunior iucundus, sere-



nus, calidusq;. Temporis occasio in morbis  
 qui intermittunt, est ipsa morbi intermissio  
 & quies. Vbi vero nulla sit morbi intermis-  
 sio, quæuis temporis occasio admitti potest.  
 Atqui in quartanis, & in destillationibus ad  
 intestina, ipsummet inuasionis tempus. Ve-  
 rum, quoniam in hac ratione medendi per  
 elleborum aliquod incommoda solent accide-  
 re, scilicet vellicationes ventriculi, animi de-  
 fectus, & conuulsiones: aliquibus remediis  
 hoc genus medendi præoccupare est opus.  
 Pro ventriculi vellicatione, aquam calidam,  
 et frigidā prius parare oportet, & hyssopi de-  
 coctum, vel mellis, vel rutæ, vel pulegii. Pro  
 defectione animi, acetum, poma, panem cali-  
 dum, vinum, tostas auiculas. Pro cōuulsione,  
 oleū commune, sicyonium, sales, chalbanem,  
 castorium, cyprinum oleum, vel narcissinū,  
 vel irinum, pennas, sternutatoria, varias cu-  
 curbitulas, vehiculum, lecticam cum molli  
 stragulo, præterea & clysterem. Atqui opti-  
 mum elleborum nosse oportet, quod nostrū  
 opus fœlix sit & faustum, nec frustra labore-  
 mus, hominemq; inaniter torqueamus. Fe-  
 stucas igitur admodum habeto multas, pen-  
 dentes ab radice vna, easdem vero distentas  
 paruasq;. quæ nec radices quidem habeant,  
 nec in acutum desinant, caudæ muris instar,



Albus, intus cādidior, foris pallidior: Niger,  
parte interna candidus, externa niger, plenus  
sit vterq; & carnosus, vterq; friabilis, in fra-  
ctiōne fumidum quiddam emittant, non pul-  
uerem, qui enim puluerem ædunt, sapiunt  
vetustatem, sit vterq; primum inter manden-  
dum dulcis quodammodo, deinde modice  
acer, postremo feruidus, & multam saluam  
proliciat, vere uellantur, radice adduc præ-  
gnante. Hæc de ellebori bonitate. Verum  
quoniam nō omnes qui elleborum sunt sum-  
pturi, ad ipsius purgationē probe sunt com-  
parati, sed aliqui sunt, qui faciliē quidem vo-  
mant, aliqui vero qui difficulter, & istos qui-  
dem antequā ad elleborum ducantur, præ-  
parare oportet. At duplici ratione præparan-  
tur, vna per humectationem solidarum cor-  
poris partium, alia per vomitoria elleboro  
mitiora. Humectantur solidæ partes duplici-  
tēr, scilicet si pluri cibo, & quiete præoccu-  
pēt ellebori potionem. Iuxta illud, Ad ellebo-  
ros qui non facile supra purgantur, &c. Qui  
igitur difficulter vomunt, & elleborum sunt  
sumpturi, per aliquot dies otio indulgeant,  
ne alimenta quibus solidæ partes humecta-  
ri debent, per corporis motus liquecant, in  
halitum digerantur & euanescent. Interim ve-  
scantur pluri cibo, & omni medicamentosa  
qua



33  
qualitate experte, acerba, acri, saluginosa, de-  
niq̃ & amara. deinceps mitioribus medica-  
mentis vomitus proritetur. Sunt igitur me-  
dicamenta non acerba, non sicca, sed vel dul-  
cia potius, uel acria. In his enim primas habēt  
raphanus, eruca, & vetus falsamentum: In  
illis autem ptissana cum melle, carnes pingues,  
& dulces amygdalæ, & semina cucumeris, &  
peponum melle macerata. In his vero, quæ eli-  
xantur, non iuscula solum sorbere oportet,  
sed totam ipsam molem & sorbere & man-  
ducare, neque in mandendo diutius immora-  
ri. ad hunc enim modum minus in ventricu-  
lo conficiuntur, & facilius euomuntur. Vina  
sunt dulcia, & actu tepida, quæ enim talia  
sunt, in ventriculo fluitant, & summa petūt.  
Verum & hoc optimum fuerit vomitu pro-  
liciendo. sumito decocti raphani, & aquæ in  
qua caricæ fuerint maceratæ, pares portiones,  
hæc tepida non exigua quantitate potanda  
porrigito ieiuno homini, ut euomat ante ci-  
bum, & ut euomere facilius à cibo possit. esto  
vero raphanus acer valde. Hunc item in te-  
nuia frustra secare potes, deinde integram no-  
stem in aceto & melle macerare, postmodum  
multum ipsius deuorare, & per exigua tem-  
poris interualla non nihil eius aceti mulsi su-  
per sorbere. deinceps duas horas leniter in-

E



ambulare, postremo multa tepida aqua epota digitis vel penna oleo intincta vomitum proritare. Vbi vero per hæc ventriculum vomitionibus assuefeceris, tandem tres dies saltem à carnibus abstineti, nec non ab aliis eduliis & potibus, quibus gignitur crassus succus. Hæc vero de preparatione ad elleborum. Nunc de differentiis exhibendi agendum. Modus autem simplicior præbendi elleborum, qui potius apparatus ad elleborum dici debet, quàm modus ellebori exhibendi, est huiusmodi. Sumuntur raphani, & stimulis arundineis punguntur, postea optimi ellebori festuæ foraminibus illis infiguntur, in quibus ubi integram noctem manserint, festucis amotis, raphanus in frustra secatur, & ex aceto mulso deuoratur, dehinc languens ad duas horas uomitum proritet siue digitis siue penna. atqui obseruandum est, nequa ellebori frustula in raphano relinquantur. sunt autem ellebori festuæ à drachmis duabus ad sex pro virium languentis ratione, & corporis apparatus. Superfunt tres alii modi præbendi elleborum. sunt enim qui infusum eius propinant, sunt qui decoctum, sunt vero etiam qui substantiam ipsius præbent, & horum aliqui forficibus sectum, aliqui vero contusum & cribratum. Qui in tenues partes sectus



porrigitur, cito purgare incipit, ut in summa post horas binas, & citra multam vellicationem purgat vtrancq; bilem & pituitam, & ipse quidem in spatio quatuor aut quinque horarum, vomitione vna cum humoribus expurgatus, finem purgationi imponit. Qui vero contusus & cribratus in tenuem pollinem est versus, tardè admodum opus purgandi inuadit, vt sæpe etiam vltra quatuor vel etiā quinque horas auspicetur. Ducit & is omne genus bilis & pituitæ, & periculum conuulsionis affert, nec non immodicæ purgationis: at multo maiore vtilitate purgationem in longum profert. Datur infusum ellebori senibus & pueris, & his qui fluido sunt habitu, & qui morbo non admodum difficiliter detinentur. Oportet autē ellebori drachmas quinque ex aquæ pluuiæ hemina media irrigare, sine re per tres dies, dehinc colare: vbi colaue- ris, & calefeceris, totum propinare: semper ra- men animaduertere, vt modus infusi propor- tione respondeat uiribus ægrotantis, & quan- titati, & substantiæ humoris expurgandi. De- coctum uero datur & illis & robustioribus quàm sint illi. apparatus autem in hunc mo- dum. Sumuntur ellebori optimi vnciæ binæ, aquæ pluuiæ hemina, in ea quinque dies maceratur, dehinc coquitur in mitioribus pru-



nis ad tertiam aquæ partem, postea elleborus  
inter colandum exprimitur, decocto æqua  
pars despumati mellis adiicitur, postmodum  
ad mellis crassitudinem coquitur. datur sor-  
bendum sub magni cochlearis mensura, vel  
ad summum cochlearium duum. potest & cū  
aqua calida, & cum alia sorbitione permisce-  
ri. Aeger vero prius vomitionibus insueue-  
rit, sicut superius dictum fuit, ieiunus sit, præ-  
assumptos cibos probè coxerit, alui excremē-  
ta siue sponte, siue per infusum clysterem de-  
iecerit. Propinatus in hunc modum, neq; con-  
uulsiones, neque contractiones, neque immo-  
dicam purgationem facit, efficitq; vt medi-  
cus, & languens de vteriori irritatione medi-  
tentur: ut is sectum etiam porrigere, hic sume-  
re nō diffidat. Sectus autem elleborus, et his,  
qui maiore auxiliorum momento, maioreq;  
superfluitatum excussione, quàm superiores  
opus habent, fortionibusq; & audacioribus,  
& his qui facilius uomunt, dandus. At contu-  
sus & tenuissimo cribro excussus, adhuc istis  
ipsis vel audacioribus, vel qui plus eiusce ge-  
neris medicationi insueuere, est porrigendus.  
Sectus apparatus in hūc modum. sumuntur  
festucarum optimi ellebori drachmæ binæ,  
vel ad summum binæ cum dimidia, forfici-  
bus secantur in frustula selami magnitudine.



quod puluerulentū est, ex līteo excutitur, ne languens suffocari periclitetur, nimis enim efficax, dehinc fragmenta tenuia detrahantur, suffocationē enim & hęc ipsa afferre possunt. residuum ubi in succum vel ptissanā, vel halicē coxeris, edēdū porrigito, postmodū ne qđ ellebori vel in faucibus, uel in gula relinquantur, aliquid vel mulsæ aquæ, vel puræ potillato, Ea uero pars secti ellebori, quæ substantiam habet farinæ crassioris, ubi in mortario cōtusa fuerit, pōdere drachmæ vnus & duorū obolorum ad summum, cribrata tenuissimō cribro, & parte eius tenuissima detracta, datur ex halica, scilicet id quod est in ipsa solidius, pleniusq̃. Quod uero tenue est, iterum contundimus, & diligenter cribramus. dehinc ex melle præcocto & solidissimo in pilulas reformamus, et deglutiēdas porrigimus.

Mos uero est antiquorum his qui à potione huius medicamenti facile purgantur, aquā frigidam sorbendam dare, dehinc iubere ut olfaciant ad uirium consolationem, odorata. Dormiant, vel decumbant, vel statim duabus horis per quietē orientur, ne citius quam decet medicamentum euomatur, post hæc autem moueri iubent. Vomiturī primo caliditatem excipiunt in uentriculi ore, atque in gargareone, ipsis deinde os salīua perhume



scit. postea uero euomunt cibi aliquid & me-  
dicamenti unā cum pituita, posthæc pitui-  
tam & bilem, atque aliquid medicamenti, de  
inceps bilem puram. sæpe uero & uenter sub-  
ducitur, singultiunt autem leuiter, & si tole-  
rabilior sit purgatio, & facies perrubescit.  
Quod si purgatio faciliter cedit, facies probè  
coloratur, & singultus cessat. Verum enim ve-  
ro si in media purgatione singultiunt, tu mul-  
sam vel rutæ decoctum vel aquam tepidam  
propinato. purgatione expleta, lauatur, cibū  
præterea sumito. Quod si purgatio in lon-  
gum proferatur, mulsam calidam ruta inco-  
cta sorbendam dato, vel aquam oleo mixtam  
ὕδρ' ἐλαίου Græci vocant. dehinc penna oleo  
intincta vel cyprino, vel irino uomitionem  
proritato, & recumbens in pensili lectica di-  
mouetur. Quod si magna cum perturbatio-  
ne suffocationis metus instet, infusionis elle-  
bori cyathos tres propinato, quam etiam pa-  
ratam habere oportet. sua enim qualitate pur-  
gationi opitulatur. Verum si neque hac po-  
tione suffocationis periculum amouetur,  
acerrimo clysteri uacuato. Dato uero & ipsis  
chalbanes obolos tres, non ad uomitionem  
excitandam, sed ad periculum suffocationis  
amouendum. Interim dum in pensili lecti-  
ca nullo non tempore dimouetur, & dum pé



na vomitionem proritare non desinit, forti  
sternutatorio etiam uti præcipito. Mitescit  
autem singultus purgatione accedente, sicuti  
dictum fuit. Atqui si adhuc uehemens esse per  
seueret, sternutatoriis instato, & cucurbitulis  
vtritor secundum totam spinam, ac præser-  
tim secundum magnas vertebrae transversæ  
septi. Nam cucurbitulæ immorantes, os ven-  
triculi ab singultu contractum, & quasi obli-  
quatum dirigunt nō infrequenter. Præterea  
partes extremas corporis uincito, cōtrectato,  
& in frigidam aquam demittito.

Verum quoniam ex purgatione per elle-  
borum sæpe accidit ut crura & manus contra-  
hantur, sunt hi quidem leniendi multa pin-  
guitudine, multa insuper palpatione, frica-  
tione & fotu non partium extremarum tan-  
tum, verum etiam & musculorum qui sunt  
in furis. Illinantur igitur oleo dulci, uel ficyo-  
nio, uel aliquo ex medicamentis quæ lasfitu-  
dines sedant, ἀνοπᾶ Græci appellant. Adiicia-  
tur illitionibus castorium, & porandum por-  
rigatur. Iuuat uero ipsos balneum in primis,  
si ipsius facultas suppetat: sin minus, solium.  
Totum igitur corpus, ac præsertim contra-  
ctæ partes multo oleo dulci inungantur. aqua  
esto bene temperata ut in ea diutius immo-  
rari possit, sic enim conuulsiones sedabuntur.

E i i i i



tuncq; statim panem in diluto uino macera-  
tum languenti porrigito, uel immixto ex suc-  
co uuxæ acerbæ & melle, ὀμφακόμελι uocant  
exhibeto, scilicet si uehementer sit purgatus.  
Quod si à cibo calorem in ore uentriculi per-  
sentiscat, ὀμφακόμελι calida aqua temperatum  
ægroto potandum porrgito: dehinc uero se-  
cundo, si opus fuerit, ex aqua frigida tempe-  
ratum. exinde uero alimenta sunt boni succi.  
vina uero & tenuia & uetera. Hæc uero de  
præparatione ellebori, & de modis exhiben-  
di satis sunt. superest nunc ut exponamus  
qbus in morbis sit ex usu, qbus uero minime.

Elleborus igitur in diuturnis morbis, &  
uehementibus est ex usu, & his qui ab aliis  
medicamentis nihil opis susceperè, scilicet la-  
borantibus aqua intercutem, elephanticis,  
male habitis, iandiu resolutis, comitialibus  
& melancholicis morbis, & arthriticis, & po-  
dagricis. Sed longum esset omnes morbos, qui-  
bus elleborus prodest, enarrare, nec præ co-  
pia quis facile id præstare posset. At non mi-  
nori utilitate morbi, quibus elleborus noce-  
re posset, forent recensendi. In his sunt sangui-  
nis reiectio, spiritus difficultas cum suffoca-  
tionis metu, suspecta oculorum suffusio, affe-  
ctus, qui ad caput tantum spectant, & horum  
maxime qui per temporum interstitia cum



faciei rubore uiolentos dolores ferunt, præ-  
terea & suffocationes uterinæ, & frequentes  
animi defectiones, & vasorum distentiones.

Iam de purgatione bilis atræ per uomitū  
satis à nobis dictum nunc est, superest modo  
ut de purgatione per aluum eiusmodi hu-  
moris disseramus. Quamobrem si natura  
hunc humorem præcoctum ad aluum diri-  
gat, ipsam iuuare oportet purgatoriis medi-  
camentis, & eisdem oportunis. Sunt vero  
oportuna quæcunq; atram bilē respiciunt, &  
eius quantitatem, & locum unde promoue-  
tur, insuper ægrotantis uires, ætatem, habi-  
tum &c. Multa vero sunt cum simplicia tum  
composita medicamenta, quæ bilem atram  
purgant. In simplicibus Myrabalani indi, La-  
ctis serum, Fumaria, siue Fumus terræ, Pule-  
gium, Tragoriganū, Parthenuiū, Alyssonq;.  
Hæc uero imbecilliora & mitiora. Vehmen-  
tiora autem Polypodium, trahit enim & pi-  
tuitam. lapis Armenius, folia & folliculi Se-  
næ. sed folia sunt efficaciora folliculis, Dicat  
Ioannes Mesue quicquid uelit, experientia  
contrarium probat. Experientia vero & ip-  
sa docet, quod præter atram bilem trahat se-  
cundo pituitam, grauem illam quidem, & nō  
nihil acrem, ut inde pondera sentiantur in  
imo uentre, & excitet tenasimum idest inanē



cupiditatem egerendi. Hæc de simplicibus  
medicamentis quæ atram bilem ducunt. Qua  
vero arte ex simplicibus purgatoriis medica  
mentis composita conficiantur, paulò infe  
rius ostendemus, quando de exuberantia di  
uersorum humorum differemus. Nunc com  
posita, quæ atram bilem purgant, explicemus.  
In his sunt utræq; cōfectiones Hamech, pillu  
læ Indæ, pillule de lapide Lazuli, pillulæ de la  
pide Armeno. Tu uero sumpta indicatione  
ab humoris & substantia & quantitate, & à  
loco unde purgari debet, & à languentis uiri  
bus, ætate &c. quæ tibi medicamentis præscri  
bunt quantitatem, utitor vel simplicibus, vel  
compositis prout lubet. huic enim arti inni  
tens, errores & infamiam apud doctos decli  
nabis, & conscientia rei bene ac fæliciter ge  
stæ ex animo iubilabis.

Verum si non vnum tantum humorum  
genus exuberat, sed vel duo, vel simul omnia,  
scilicet vel bilis flaua cum pituita, vel eadem  
cum bile atra, vel cum atra bile pituita, vel hi  
humores omnes simul: tunc vel vno simplici  
purgatorio medicamento, quod singulis hu  
moribus respondeat uti oportet, vel in vnū  
simul diuersa commiscere.

In his autem quæ diuersos humores pur  
gant, sunt Peplus, quem pharmacopolæ Esu



lam rotundam uocant, & Peplion. ambo autem quoniam paribus facultatibus constant, simul recensentur, Nam eorum semina, & aliquando vnà cum germinibus siccata in umbra, contusaq; & cribrata, pondere scrupulorum quatuor data ex aqua mulsa, & super absorpta pauxilla quantitate aceti, post flauam bilem, bilem atram & pituitam ducunt, & disrumpunt flatus. quò fit ut affectibus flatuosus p̄sint, q̄ in̄itia sũt melācholiæ. Pro sunt etiam diuturnis inflātionibus lienis, uteri, & coli, & mollibus tumoribus imi ventris.

Polypodium atram bilem & pituitam purgat. datur radix eius pondere scrupulorum septem, vel minus prout vires ferũt. Verũ in diluta aqua mulsa prius macerari oportet. potest et super balsamenti abrasa ante prādiũ māducari. Purgat uero mediocriter & citra lēsiōnē uel in iusculo gallinę uel in ptissana elixata.

Lapis Armenus atram bilem, & omnia quæ crassa & glutinosa sanguini commiscuntur, purgat. quamobrem datur pondere scrupulorum quatuor, vel plus vel minus pro virium modo, melancholicis & elephantiscis, & similibus.

Centaurium minus crassissimam bilem & mucosum purgat. quocirca potandum datur decoctum ipsius coxendicis, & lienosis, sunt o



autem centaurii scrupuli septem, aquæ he-  
mina. Coquitur vero ad dimidium.

Colocynthis pituitam & bilem & mucco-  
res purgat, quare optimum medicamentum  
est omnibus morbis qui difficulter excutun-  
tur, & qui quodammodo sunt scirrhusi. Da-  
tur interioris partis ipsius quantitas duum  
scrupulorum ex aquæ mulsæ cyathis duo-  
bus: imbecillioribus autem quantitas vnus  
tantum. Verum eligenda est quæ candida est  
& mollis: sicca enim & nigricans, mala, atqui  
contunditor & leuigator diligenter, sæpius  
vero cribrator, ipsa vero, cum vti volueris, in  
mortario omni cum diligentia ex aqua mul-  
sa leuigator. Accidit enim vt vbi contusa fue-  
rit, antequam irrigetur, tenuissima esse vide-  
atur, cum vero in mulsâ maduerit, intumeat  
valde, adeo vt qui eam uiderit, non satis fuisse  
cribratam suspicetur: quod si forte accide-  
rit, hærent partes illæ quæ non probè ex mul-  
sa fuerint leuigatæ, ventri aliquando, aliquan-  
do ori ipsius, sed maxime quidem inuolutio-  
nibus intestinorum: quo fit ut per sui acridi-  
nem & mordacem qualitatem vlcerent inte-  
stina, & inferant nerueas passiones, scilicet tor-  
mina & contractiones. Quamobrem opus est  
ipsam summa cum attentione ex mulsâ aqua  
leuigare. Verum si mitius purgare uolueris,



magnam colocynthida aperito. vbi aperta fuerit, quicquid seminū est, detrahito. dehinc reposita in ipsa sine seminibus lanuginosa parte, ipsam impleto vel passo, vel vetere & dulci vino, sicq; finito diem & noctem irrigari. posthac vinum linteo percolatum, & calefactum, bibendum dato. optimè enim arquatos purgat, nec non eos, qui per summa corporis pustulas habent liuidas, & eminentes.

Tithymalus omnis pituitam et bilē trahit. dantur vero ipsius ramusculi uirides, immo & paxillum in testaceo aliquo torrefacti, dehinc leuigati, & ad eum modum pondere scrupulorum quatuor trium uè in aqua cum farina cōmiscentur & potantur. siccati enim sunt infirmiores. Tu vero radicem eius tithymali qui Characias nūcupatur, vbi in vmbra sicca ueris, cum usus postulat, detractum corticem contusum & cribratum pondere scrupulorū quatuor in vino dulci & vetere integram diem & noctem maceratum, linteo percolato, postea nonnihil calefacito, & propinato, purgat id optime: ut sint qui ipso in omnibus, ut arcano remedio utantur. Verum & Tithymali, qui iuxta aquam & in humidis locis, & syluosis producitur, liquor probè & sine noxa purgat, scilicet si farina vel sicco pane leuigato excipiat, deturq; ad magnitudinem nu-



cis auellanae. Eius vero liquoris guttae quatuor quinqueuè dantur ab aliquibus, vel caricis vel farina exceptae. Atqui epotus, linguam & vicinas partes uehementer exulcerat, & ventriculum incendit.

Elateriū bilē & pituitā purgat. datur obolis tribus cū hemina media lactis nuper mulcti.

Granum Cnidium purgat humores aqueos, & serofos, purgat vero etiam moderatè bilem, & pituitam. habet autem qualitatem igneam, & peracutam. Datur pars interna granorum triginta, ubi eam cum farina contuleris, & cum vino confuseris. Verum si leuius purgare uolueris, dato grana vel viginti vel quindecim. A potione parum olei rosei superforbeto, scilicet ne fauces exurantur. at praestiterit leuigata ex melle cocto in pillulas conformare.

Agaricus purgat pituitam & bilem, at non acriter. Dantur huius drachmae binæ cum aqua mulsa uel aceto mulso. & ori uentriculi per leuitatem, cuius gratia innatat, officit.

Thymus pituitam & bilem abunde & sine noxa purgat. Cōtundūtur corymbi ipsius, & cribrantur, dāturq; pōdere drachmarum quatuor triumue cum modico sale & posca.

Rapum terre κυκλάμινον uocant græci, admodum probè contusum & leuigatum pon-



dere à granis quindecim ad mediam drachmam cum posca propinatur. succi uero eius à granis quindecim ad scrupulos quatuor. decocti vero radices ab vncia vna ad quatuor. Purgat id pituitam & bilem, & sudorem mouet. Eius autē proliciendi cum instat necessitas, medicamento epoto lāguens in operis nature auxiliū decūbat, cooperiatur et foveatur.

Medicamenta simplicia recensuimus, quæ sigillatim priuatos ac peculiare humores purgare possunt, & adiecimus mensuram aut pondus quibus singula porriguntur: Vt inde sumpto initio methodum idest uiam & rationem apponamus, qua plura simul citra languentis lēSIONem possimus commiscere. Ad hęc vero miscenda compellimur, cum non vnā humoris speciem sed plures simul purgare oportet, nec suppetit medicamētū simplex, p quod id cōmodē & citra noxam exequi ualeamus. tūc enim miscemus uel duo simul, uel tria, uel etiam plura pro varietate humorum, qui purgari debent. Est & alia miscendorum medicamentorum necessitas eiusmodi. Habent ferē omnia medicamenta purgatoria insignem aliquam qualitatem, per quam vel gustandi sensum, uel tangendi, uel odorandi, lēdant. Harum uero singulis contraria admiscere oportet, quō infestē illę qualitates uel de medio tol



lantur, vel minuantur, vel saltem fiant mitiores. Siquis igitur duos humores simul purgare velit, duo simplicia purgatoria medicamenta seligat, quorum alterutrum alterutro humori ex aduerso respōdeat. esto vero quantitas vtriusq̃, medietas vel ponderis vel mensuræ, sub quibus vtruncq̃ seorsim exhibebatur: sin tria sint miscenda, tertia pars eius, quod seorsim exhibebatur, admiscetor: sin quatuor, quarta pars singulorum: & hoc quidem, cum singuli humores æquo modo & exuberant, & egent purgatione. Vbi vero eorum aliquis cæteros quantitate excellit, sui medicamenti quantitas, cæterorum ac singulorum quantitatem ad proportionem opus est, ut excellat. Dehinc olidis & graue olentibus per suauiā & odorata, amaris per dulcia, acris per glutinosa, emplastica vocant, falsis per infusa, acerbis per matura, astringentibus per laxantia, laxantibus per astringentia repugnato. Ad hunc igitur modum ex simplicibus purgatoriis medicamentis cōposita, put vsus, & tēporis occasio postulabūt, apparato. Hęc de excremētōrū purgatione satis sunt.

Atqui solent vitiiati humores post purgationem pro sua ipsorum natura prauas aliquas intemperies relinquere siue in corpore vniuerso, siue in præcipuis ipsius partibus,  
mem-



membris vè : quæ nisi per contraria amou-  
ueantur, de integro consimiles humores vel  
etiam deteriores generabunt congerentq̃. Ha-  
rum igitur singulas, singulis contrariis corri-  
gere atque fugare oportet : calidas frigidis,  
frigidas calidis, humidis siccis, siccis humidis,  
& compositis compositas opponendum . At  
quousq̃ immutare oportet, naturalis tempe-  
ratura si adhuc manet, indicabit, sin abiit na-  
turalis, & alia ex consuetudine viuendi in ip-  
sius locum subiit, hæc pariter atq̃ illa in mor-  
bis se tueri, atque seruari ostendet, cupietq̃.

Verum dicebamus supra fieri aliquando  
vt ex præternaturalibus intemperaturis vna  
in aliam mutaretur, calida in frigidam, frigi-  
da in humidam, humida in siccam. statuamus  
igitur calidam intemperaturam, quam initiū  
morbi huius esse dicebamus, per improbam  
curationem tempore digerendis sanguine &  
spiritibus in frigidam degenerasse, hanc vero  
cruditatibus cumulandis humidam secum as-  
sociasse, vt iam non frigida sit solum, sed frigi-  
da simul humidaq̃, corpus quantum per hu-  
mores congruebat, purgatum esse, scilicet vel  
per vrinas, vel sudorem, vel alui purgatio-  
nem, vel vomitionem, etiam per elleborum  
si opus fuerit, demum adhuc frigidam & hu-  
midam intemperaturam in similaribus ac sim

F



plicibus partibus vna cum improba qualita-  
te gallici morbi derelictam esse. quod reme-  
dium quæso ad hunc modum præparatū ma-  
gis conducibile quàm decoctum Indici ligni  
poterit reperiri: nullum ferè mea sententia.  
Indicum enim lignum calefaciendi & siccan-  
di vires habet. Hæc sensus indicant. Siquidē  
decoctum ipsius ore retentum, os & fauces ca-  
lescit: gargarizatum in primis per acridi-  
nem saliuam prolicit, dehinc absomit, vt etiā  
affectui gulæ, quem Græci *σιελισμὸν* vocant,  
opem ferat. subscribunt sapor amarus et acer,  
& odor non obscurus. Lignum hoc resinam  
exudat, cuius gratia remollit, maturat, dige-  
ritq̃. vt inde quidem, pro corporum præpa-  
ratione, & naturæ propensione, aliquando  
aluum lenire possit, aliquando vrinam, sudo-  
rem vero aliquando moueat, cieat vè. Nutri-  
re autem sensibilibiter posse haud crediderim,  
tamen si medici quidam non contemnendi id  
affirment. Quid enim Indicum lignum habet  
dulcedinis, quæ communis est omnium quæ  
nutrire possunt: sine qua nihil nutrit. quic-  
quid enim nutrit, dulce est plus, minus vè.  
Quòd si quis dicat Indicum lignum parti-  
ceps esse dulcedinis, & ad proportionem ip-  
sius nutrire posse: Nos statim linguam, quæ  
est gustus instrumentum, appellabimus. Ha-



bet enim potestatem quæ similia sunt, quæq;  
disfimilia sunt discernendi: vt inde naturas  
rerum cognoscens, quæ familiaria sunt eligat,  
aliena vero respuat. Mirabor si vnum ex mil-  
libus per integram & inculpatam sanitatem  
quis inuenerit, qui gustato Indici ligni deco-  
cto meraco & sincero, se dulcedinem qualem-  
cunq; persentire affirmet. Hæc de viribus ip-  
sius. nunc de eius bonitate.

Habet lignum Indicum suam bonitatem  
maxime ab ætate. Aetatem autem indicant  
grauitas, color, dēsitās, odor, et sapor. Demus  
igitur Indicę arbori ab sua radice excise, sicut  
& cæteris lignis, humiditates quatuor. Vnam  
crudam & aqueam, temere per ipsam fluitan-  
tem, quam nuper excisa aliquandiu habet,  
seruatq;. Alteram coctam, & per suum ipsius  
corpus singulis partibus distributam, & ferè  
substantiæ arboris assemblatā, atq; vnitā. Ha-  
bet tertiam, quæ subitāntifica pars est ipsius  
plantæ, cæteris partibus assemblatam iam, at-  
que vnitam. Habet & quartam, quæ arboris  
partes mutuò continuat, & continuatas ser-  
uat. Prima humiditas ea est, quam nuperri-  
mè terra per arboris radices est impartita. Se-  
cunda ea est, quam singulæ arboris partes pro  
similitudine, & conuenientia quam secum ha-  
bent, maxime traxere ad sese, cohere, & ad sui



similitudinem ferè permutauere, sibiq; appo-  
suere. Tertia illa est, quæ nuper trahebatur,  
coquebatur, permutabatur & singulis parti-  
bus arboris apponebatur. iam vero est tracta,  
concocta, ad similitudinem earum partium  
permutata, quibus antea apponebatur. & nunc  
quidem substantifica, & propria & naturalis  
est plantæ humiditas. Quarta vero, illa est hu-  
miditas, quæ ligni partes mutuo continuat,  
& continuatas tandiu seruat, quâdiu lignum  
est lignum. Nunc vero ad proportionem ha-  
rum humiditatum, demus Indico ligno æta-  
tes. Aetatem quidem puerilem, quoad suæ ra-  
dici heret, & ab ea cibum capit. Adolescentiâ,  
ligno nuper à suo trunco exciso, in qua tan-  
diu versetur, quàm diu viride est, & humidi-  
tatem illam seruat crudam aqueam vè. hæc  
quidem illa est humiditas, quam viride lignum  
igni appositum ea parte qua excisum vel se-  
ctum vel fractum est, multo cum strepitu ac  
stridore emittit euomitq;. Iuuentutem demus  
ligno, quando absumpta aquea humiditate,  
retinet coctam illam humiditatem, quæ ferè  
est substantiæ ligni assimilata, atque unita.  
Virilem ætatem, siue consistentem, siue ætatis  
vigorem, liceat enim illam appellare prout  
cuiq; placet, demus ligno, quando absumpta  
iam humiditate illa cocta, & ferè assimilata,



atque unita, suam substantificam humiditatē  
integram & illæsam seruat. Demus vero fene-  
ctam, quando absumpta penè substantifica hu-  
miditæ, lignum euanidum, & cariosum esse  
incipit. Aetatem vero decrepitam, quando iā  
temporis diuturnitate, in puluerē redigitur,  
& iam propè est vt desinat esse lignum.

Indicum igitur lignum optimum est & tan-  
diu esse perseverat, quàm diu per ætatem vi-  
get, florem id ætatis vocant. tunc enim maxi-  
me densum, maximeq; ponderosum est, vt li-  
gnum ex sui ipsius substantia, non ex aliena  
humiditate esse potest. tuncq; maxime est per  
saporem acre, maximeq; subamarum. amaror  
enim, qui antea per acerbicatem vigeat, nūc  
mitescit coctione, acredo autem exacuitur &  
inualescit. nam caliditas quæ antea sub hu-  
miditatibus obscura erat, nunc prioribus il-  
lis duabus absumptis, detecta, ligni acredinem  
auget, minuit amarorem, & pinguitudinem  
ad ligni superficiem pellit, & in resinā cogit:  
vt etiam nunc magis resinofum esse videatur  
& sit, et eandem ob causam magis sit odorum  
luteumq;. Bonū vero est, quod in ætate est iu-  
uentutis, nonnihil tamen infirmatum sub hu-  
miditate, quæ nondum suum finem & com-  
plementū est adepta. Nec caret bonitate, quod  
in ætate est adolescentiæ, sed superioribus ra-



men per aqueam, & crudam humiditatem infirmus, à qua fere obruitur & suffocatur. His omnibus adhuc infirmius, quod puerilem ætatem agit, idest quod suæ radici adhuc hærens alimentum ueluti lac infantium instar, de terra fugit. id enim humidissimum, & earatione infirmissimum, non secus atque infantes per ætatis humiditatem sensibus & ratione omnium infirmissimi sunt, omniumque quaruncunque ætatum stupidissimi. Quod vero per senilem ætatem iam exolescitur, & in cariẽ verti cæpit, non solum vires infirmas, sed etiã plane a sui natura abalienatas habere cæpit, ut pariter quodammodo & officere & prodesse possit. Illud autem, quod iam ad ultimã peruenit senectutem, ut iam prorsus sit cariosum, nec suarum partium continuitatem seruet, nihil commune cum Indico ligno habet. Quamobrem iuuare quidem nequit, officere autem potest. Hæc de Indici ligni bonitate. Nunc vero uidere oportet quibus medicatio per Indicũ lignum sit ex usu, quibus autẽ nõ.

Ex natura & viribus eius, quibus proffit, quibus vero non proffit, facile cuius patere potest. Habet enim à natura, hoc est à deo optimo maximo, quod morbo quem Gallicum Itali vocant, aduersetur. Hoc enim per experientiam nemo fere est medicus, qui non cre-



dat & affirmet. Cuius vero qualitatis ratione,  
 nemo non ignorat, omnes enim fatetur mor-  
 bo huic per qualitatem aduersari occultam, ac  
 que innominatam, Id quod nos etiam autho-  
 ritati vniuersitatis medicorum assentientes,  
 confirmamus. In vniuersum igitur omnibus  
 hoc genere morbi laborantibus ex usu esse  
 debet, modo aliquid momentaneum non re-  
 pugnet. Cum vero uires habeat calefaciendi  
 & siccandi, item remolliendi, maturandi, &  
 in halitum digerendi: liquido patet, quod om-  
 nibus per frigidam & humidam intempera-  
 turam male habentibus vsum præstet. Ad-  
 huc vero & illis qui alicubi in corpore humo-  
 res frigidos, & eosdem crudos & concretos  
 habent. Quamobrem præter gallicum mor-  
 bũ, prodesse poterit malo habitui, καχεξία uo-  
 cant, neruorum resolutioni, conuulsioni, pa-  
 resi, podagræ, arthritidi, coxædici, stupori, ali-  
 quando vero & mensium retentioni, & præfo-  
 cationibus vterinis, adhuc autem & satieta-  
 ti, & σαλισμῶ idest superabundanti saluæ, & in-  
 testinorum leuitati, In uniuersum vero frigi-  
 dis omnibus morbis & humidis, siue cum ma-  
 teria, siue secus, conferre vtilitatē potest. Hæc  
 de vſu medicationis per Indicū lignum.  
 Iam vero de his differamus, qui ad hoc genus  
 medicamenti probe sunt comparati.

F iiii



Nemo est qui per naturalem temperaturam, sexum, corporis habitum naturalem, & ætatē hoc genus medicationis ferre nequeat: modo uires suppetant, & medicum doctum, & natura prudentem sit sortitus. Quid enim prohibet quin puerum tenellum, aut delicatorem fœmellam, aut senem decrepitem hoc genere medicamenti curare experiamur? An non possumus viuendi rationem, & medicamenti apparatus languentis temperaturæ naturali, sexui, corporis habitui naturali, & ætati, & viribus accommodare? Iam vero de præparatione medicamenti agendum.

Indicum lignum infundi potest, potest & coqui, potest & in puluerem redactum deuorari. Verum in quouis liquore, prout ratio postulat, infundi & coqui potest. in simplici aqua, in medicamentosa, in vino, in posca, in lactis fero, & in summa in liquore quouis, qui operi & scopo medici faueat atque opituletur. Liquor igitur eligendus erit pro indicatione propensionis naturæ, & singularum partium affectu, siue principalium, siue principalibus inferuentium. Vbi enim natura nihil moueat, nec viscus aliquod momentaneum aliquo præternaturali tumore sit affectū, ac præsertim lien, Indici ligni infusio & decoctum in aqua fiat simplici & pura. Vbi vero



natura superfluitates moueat aliquorsum, si oportuna sit regio, tu pariter eo vim medicinali idoneo ad id liquore ex quo infusum vel decoctum sis factururus, dirigit. Ad eundem modum si viscus aliquod inflammatio- nē subierit, a vino abstineto: sin tumorem du- rum, aquam declinato, tuncq; de posca deli- berato, maxime vero si lien præduro tumo- re sit affectus. Quocirca si natura ad vesicam mouet, aqua Polytrici, vel Apii, vel Adianti uti potes: sin ad aluū, Lactis serū fuerit oportu- num, caprinumq; in primis. Neque alienū fuerit aliquādo aqua aliqua vti ex sponte na- scentibus, calidisq; præsertim vero vbi galli- co morbo societur lienis tumor. Liquores igitur eligendi qui naturæ inclinationi respō- deāt, et viscerum affectibus aduersentur. Qua- vero quantitatum proportionē lignum cū liquoribus misceatur, nunc dicendum.

Sciendum tamen singulorum quantita- tem nec sciri nec scribi posse, sed oportere ip- sam ex naturali temperatura laborantis con- iectari, item ex habitu naturali, & sexu, & æta- te, præterea ex magnitudine morbi, & aeris ambientis qualitate, & regione, & anni tem- pore, & præsentī tempestate. Viris enim na- tura calidis & siccis, & ad proportionē sui tē- peramenti bene habitis, si per gallicum mor-



bum ad præternaturalem intemperaturam  
frigidam & humidam sint versi, meracius me-  
dicamentum dari debet, adhuc vero meracius  
si magna sit intemperies, multo autem mera-  
cius si ambiens aer, regio, anni tempus, & tem-  
peltas, frigida sint humidaq̃. Meracius infu-  
sum erit, si seruata eadem liquoris quantitate  
in ea plus scobis ligni Indici macerabis. Dilu-  
tius erit, si minus scobis immiseris. quod si ad-  
huc minus immiseris, adhuc magis dilutum  
erit. Liquorem igitur feruidum ea quantitate  
quã volueris, in vas angusti oris scobi insper-  
gito, os statim obturato, dehinc vas in calenti  
furfure triticeo obruito, duos integros dies  
macerato, dehinc percolato, & calidum pro-  
pinato. Hoc parum efficax est, & pueris & de-  
licatioribus foemellis dari potest. At decoctũ  
efficacius, paratur autem in hunc modum. su-  
mitur scobis ligni, & liquoris quem tibi elege-  
ris, sua cuiusq̃ quantitas, prout ipsam ex illis  
indicanibus, de quibus supra potueris conie-  
ctari. scobem in vas. vt dictum est, angusti oris  
coniicito, feruidum liquorem inspergito, vas  
obturato, in calidum furfur sepelito, diem &  
noctem macerato, dehinc coquito, aliquando  
ad quadrantem, aliquando ad trientem, non-  
nunquam vero ad semissem, ad tertias vero  
aliquando prout vel efficacius, vel minus ef-



ficax medicamentum habere cupis, spectando  
semper ad ea de quibus supra. Hæc est ratio  
parandi infusi, & decocti ligni Indici. Verum  
ipsius substantia tunc dari potest, quando lan-  
guens ipse liquida medicamenta auersatur, so-  
lidiora non abhorret, sed appetit, atque expo-  
scit. In cuius apparatu ad propensionem natu-  
ræ spectare oportet, sicut de infuso & deco-  
cto dicebamus. Namque si natura ad aluū mo-  
uet, ei in tenuissimum & probe excussum pol-  
linem redacto, quæ aluum leniant admiscere  
oportet, scilicet vel pruna, vel passulas, vel  
palmulas, vel casfiæ florem, vel mannam, vel  
myxaria, vel quid tale. ea vero vel ex saccha-  
re vel ex melle excepta ad eclegmatis substan-  
tiam reduci possunt. Sin natura vrinas, vel su-  
dores mouet; tu Indici ligni pollini, quæ vel  
vrinas vel sudores moueant admisceto. Ca-  
talogum uero eorum quæ vrinas vel sudo-  
res cient, superius adnotauimus, nec opus est  
ut ea iterum repetamus. Dari autem debet ma-  
ne & vespere ventri vacuo, saltem tribus ho-  
rit ante cibum. Nunc de modo propinandi  
infusum & decoctum.

Vtrunq; pariter datur ventri vacuo mane &  
vespere modo nequid impediatur, calidū vtrun-  
que, nisi pro tempore venter æstuet. dehinc  
stragulis modicè operiatur. sudorem enim ex



impetu naturæ prouocari optamus, non ex  
onere stragulorum. Dormiat, vt naturalis ca  
lor exinde ad viscera reuocatus, atque inibi  
vnitus, ac propterea roboratus, potionem cō  
ficiat, & ad uenas, & ad corpus uniuersum di  
gerat ac dispenset. Sudorem si mouerit, ipsum  
ad ultimum detergito, eò enim plus sudabit  
quò infrequentius detergetur. Potionis mo  
dus is esto, qui nec ventrem admodum gra  
uet, quicq; non in ipso fluctuet & emergat.  
Vanum aut est numerum unciarum potio  
nis, vt pleriq; faciunt, explicare: cū non æqua  
le pondus æqualiter ferant omnes, & aliqua  
portionis quantitas in alio fluctuet, in alio in  
dissolubiliter amplectatur. Potio vbi confe  
cta fuerit, & uētriculum dereliquerit, quæ ni  
mirum ventris alleuiatio, & ructus inedita  
bunt: tunc offerendi cibi instabit tempus. Iam  
igitur ad viuendi rationem descendamus.

Victus autem non secus ac medicamentū  
oblatum, ad calidū & ficcum spectet. Modū  
præscribunt primum quæ languenti homini  
naturalia sunt, temperatura naturalis, ætas, &  
sexus, & habitus naturalis: quæ præternatu  
ralia sunt, scilicet morbus, morbi causa, et quæ  
morbum sequuntur symptomata. Hæc vero  
quia præternaturalia sunt, sese per contraria  
sum moueri indicant. Aeris vero qualitas, an



ni tempus, & præfens tempeſtas, & regio, & exercitia, & mores, quia nec naturalia ſunt languenti neque præternaturam: ſi morbo aduerſatur, talia qualia ſunt, ſeruari oportet: ſi morbo conſentiant, tantum remittere eorum qualitatem oportet, quantum ſingula à ſua cuiuſq; mediocritate reſceſſerint. Hæc vero ad exemplum prædictorum ſuperius, ſi emendatione opus habent, corrigantur. Nunc autem de ratione victus in cibo & potu, quæ adeo medicationi per Indicum lignum inſeruit, vt uix citra ipſam vel tantillum iuuare illa videatur. Hæc ſicut & illa ad calefactionem, & ſiccationem ſpectet. Quod ſi languens per naturam, per ſexum, per habitum corporis naturalem, & per ætatem calidus ſit & ſiccus, tanto efficacius calefacere & ſiccare oportet, quanto horum ratione temperato calidior eſt, ſicciorq;. Adhuc vero & hoc ipſo efficacius, ſi conſueuerit eo victu vt. conſuetudo enim altera quædam eſt natura, quæ per ſibi ſimilia conſeruatur. Victus nihilominus in hoc medicationis genere eſto tenuis, prout vires languentis ferunt. ſed præterea aliquid dandum eſt ætati, tempori, & conſuetudini. An vero plus cibi mane an vespere offerre oporteat ægrotanti, id morbi exacerbationes indicabunt. In exacerbationibus enim abſtinere oportet.



Quamobrem si morbus mane increbuerit,  
vel cibi omnino nihil, vel pauxillum peni-  
tus offeri debet, sin uespere, illud idem obser-  
uandum. Verum quoadusq; hoc medēdi ge-  
nus debeat prorogari, naturalis & temperies  
& habitus indicabunt. Nanq; si naturalis tē-  
peries à præternaturali sit derelicta, & habitus  
naturalis, qui sub improbo prius latebat, sit  
detectus, iam pulsus & respiratio ad sui cu-  
iusq; naturam rediere, mens probè constat, ci-  
bos appetit, omne genus excrementi, prout  
in sua quisq; sanitate, excernit: Hæc ubi pri-  
mum apparuerint per hoc genus medica-  
menti satisfactum esse confidito. Quod si ad-  
huc eò ventum non est, ne cessato, sed eodem  
medicamento instato, quoad propositum ti-  
bi finem assequaris. Omnia enim secundum  
rationem facienti si non eueniat secundum ra-  
tionem, non est ad aliud transeundum, stante  
eo quod ab initio visum fuit. Hæc de medica-  
tione per Indicum lignum satis sunt. Nūc  
vero gallicum morbum cum intemperatura  
frigida & sicca copulemus, vel, vt rectius lo-  
quar, copulemus improbam qualitatem sæ-  
uam & contagiosam, qua sine morbus quiuis  
non amplius Gallicus appellatur, hanc ipsam  
igitur qualitatem cum frigida & sicca intem-  
peratura copulemus in hunc modum.



Statuamus igitur hominem excremento-  
sum frigida & humida intemperie laborasse,  
per medicum quātū satis esse videbatur fuis-  
se ab excrementis expurgatum, Interea vero  
deficientibus idoneis alimentis ita contabui-  
se, vt non sanguis solum, & simularium par-  
tium nutrimentum, dissipata sint, sed & pin-  
guitudo simul, immo & carnis pars maxima.  
siccitatem autem nec dum solidas partes atti-  
gisse, nec deesse tamen prauam illam gallici  
morbi qualitatem. Hic imaginatione & reip-  
sa bini præternaturales sunt affectus. Vnus,  
intemperatura frigida & sicca, quæ corporis  
humiditati substantificæ nocet multum, pro-  
dest vero nihil. Alter, eadem ipsa frigida & sic-  
ca intemperatura copulata cum venenosa il-  
la gallici morbi qualitate. Prima vix quidē  
sanari potest, Secūda vero minimē, vt nos opi-  
namur. Prima sui instaurationem indicat, Se-  
cunda istud idem, ac præterea vsum alicuius  
Amulæti, quod venenosæ qualitati gallici  
morbi ex propria natura aduersetur, Ea græ-  
ci ἀποτροπαία appellant. Verum quoniam nul-  
lum adhuc amuletum huius mali nobis expe-  
rientia submonstrauit præter Indicū lignū  
& vsum Argenti viui, neutrum vero ipsorū  
caret suspitione: siquidem illud siccitatem  
auget, & imminuit corporis alimenta: hoc ve-



ro & exiccat quidem, & quicquid est excre-  
menti, à partibus ignobilioribus ad nobi-  
liores pellit, scilicet à cute & carnibus ad  
os & fauces, & gulam, & ventriculum  
& intestina. quò fit vt illa aliquando ita  
inflammet, & excoriet, vt nec languens man-  
dere cibum queat nec deglutire, ut nonnul-  
los aliquando per inediam interire contige-  
rit. Accidit vero etiam aliquando vt per ex-  
coriationem ventriculi & intestinorum suc-  
cesserit eorundem leuitas, Græci λειψτερίαννο  
cant: quæ, sanata excoriatione, insanabilis ef-  
fecta per leuitatem cicatricis hominem ad a-  
quam intercutem, & tandem ad miserā mor-  
tem perduxit. Sed amabo quis in tāto affectu  
siccitatis, in tanta virium infirmitate Indico li-  
gno, vel Argento viuo vtī auderet. Superest  
igitur vt spreta nunc secunda intemperatura  
prout secum adiunctam habet qualitatem il-  
lam venenosam, Nos istam ipsam citra qua-  
litatem venenosam curare experiamur. Cura-  
ri quidem debet refectione, non quauis, sed ea  
quæ paulatim fiat. (Quæ enim longo tempo-  
re extenuantur corpora, lentè reficere oportet  
&c.) Animi tranquillitate, cibo & potu opor-  
tunis, scilicet qualitate, quantitate, usus ordi-  
ne, & temporis occasione, adhæc dispensatio-  
ne alimēti, Cibi igitur humidi sunt, calidiq.  
sed



sed circa cibi caliditatem admodum multa diligencia vti oportet, ne scilicet per immodicum calorem siccitas augeatur. Quantitas autem noxæ modum calefaciendi subostendet. Hominis igitur taliter affecti curationem hisce principiis ordiamur. Quotidie purgatis alui excrementis, & ieiuno ventre hominem pinguius ex dulci oleo fricato, dehinc in solium aqua tepida plenum demittito, prout superius in curatione calidæ intemperaturæ dicebamus: in eo immorator ut sibi lubet. ubi exierit, linteis calidis detergitur. postremo iterum inungitur oleo calefaciente, modiceque adstringente: ne cute per balneum rarefacta alimentum fusum ac dispensatum, in halitum digeratur. his peractis aliquantisper in lecto quiescito, dehinc cibum capito. cibus esto coctus facilis & nutriens, & minime glutinosus, minimeque excrementosus. in hoc cibi genere, lac nuperrime multum primas habet, ac præfertim muliebri, utpote quod homini & simili estet familiare. post ipsum, asininum: cuius omnis bonitas ad tenuitatem suæ substantiæ referri debet: ea enim ratione minime coagulatur, & citissime in corpus permeat ac dispensatur. mel uero optimum ac despumatum ei admisceto: id quod & nutrit quiddam, et calefacit,

G



ac neqꝫ lac cogi finit. Vbi lac sumpserit, quiescito, quoad tempus sit secundæ lauationis, id quod ferè erit post quatuor, aut quinque horas ab assumpto lacte. Verum an probè illud coxerit, ructus & ventris moles indicabunt. Nanque quoad ructus lac redoleant, & ventris moles non subsidet, secundæ lauationis adhuc tempus non est. Contra vero, vbi ructus nihil olent, & subsedit ventris moles, iā instat lauationis tempus. Quamobrem iterū pinguius fricato ut prius, & reliqua ad eum modum, quem diximus, peragito. lac cum melle iterum exhibeto, & iterum quiescito ad cœnam usque: ne alimentum, quod nuperissime concretum fuit, dissipetur & pessum eat. æger autem si lauatione oblectatur, iterum & tertio ad præscriptum modum ante cœnam inungitor & lauatur. Cibus vero, qui ad cœnam apparari debet, panis purus esto, modicè fermentatus, probè coctus, & qui salis non nihil habet, cui etiam si aliquid chiæ mastiches addideris, venter, cui primam ciborum coctionem acceptam ferimus, aliquam consolationē minime contemnendam consequetur. In obsonium oua gallinacea ad leuem concretionē diligenter cocta, sunt ex usu, item pulli gallinacei, & alæ, & testes. ego vero nec perdices,



nec phasianos reprobarim, quorum scilicet  
 carnes friabiles sunt, quia non pridie, nec nu-  
 dius tertius, sed tandiu à iugulatione fuerint  
 maceratae, tales enim à ventriculo iam per ta-  
 bem inanito ac semimortuo facilius & immu-  
 rantur, & conficiuntur, sed & auiculæ monta-  
 nae, quæ molles sunt carne, sunt ex usu, sunt  
 enim omnium minimè excrementosæ. Decli-  
 nare vero oportet à palustribus omnibus, &  
 ab his quæ carnes duras habent, siquidem il-  
 læ sunt excrementosæ: eæ uero, ubi languet  
 naturalis calor, sicuti nunc languet quidem,  
 nec satis immutari, nec coqui possunt. Ciborū  
 quantitas esto, si fieri potest, quæ non grauet  
 quidem, nec homini somnum statim inferat,  
 ac torporem. Quòd si in homine exinanito ac  
 ferè macie confecto, qualis is est, qui nobis  
 est propositus, vitari nequit: quàm ocissime  
 desinat, & grauis, & torpidus, & somno ca-  
 ptus esse. Ordo vero ciborum offerendorum  
 is esto, qui iam ferè à nobis obiter est declara-  
 tus, scilicet ut liquida primum & coctu faci-  
 liora, deinceps vero crassiora, & minus coctu  
 facilia porrigantur. Verum occasio ciborum  
 offerendorum inde expetatur, ut qui prius  
 fuere assumpti, confecti iam sint, & ventricu-  
 lum dereliquerint, quæ dignosci ex ructibus



37  
& ex ventris mole dicebamus. Potio uinum  
esto, vetus quidem: & eo antiquius, quod frigi-  
ditas maior fuerit: nec tamē adeo sit antiquū,  
ut iam amarorē in gustu ostēdat, amara enim  
siccant nimis. Quantitas autem esto, quæ in  
ventriculo nec fluctuet, nec innaret. Vbi ve-  
ro per hanc viuendi rationem corporis habi-  
tus & plenior & coloratior esse cæperit, iam  
non nihil victus venit immutandus. pluribus  
enim frictionibus iam uti oportet, ciboq; ve-  
sci & crassiore & glutinosiore, hoc est magis  
nutriente: ut pro lacte alica offeri possit, pro  
volatilibus suillæ carnes, in alica elixatæ. Sed  
propositum nostrum nō est, ut totam refecto-  
riam viuendi rationem omnibus numeris ex-  
pletam exponamus. Illud autem quod initio  
fuit dictum, semper in memoria haberi opor-  
tet, quod hæc permutatio paulatim fiat: pari-  
terq; nec illius obliuisci, scilicet dandum esse  
aliquid ætati, tempori, & consuetudini. Hæc  
igitur de hac refectoria viuendi ratione in  
præsentiarum satis sunt. Verū ubi homi-  
nē ea macie cōfectū refeceris, finito tādīu quie-  
scere ab omni medendi genere, quoad robore  
viriū cōparato, medicationis per Indicū lignū  
rationē tuto inire possis. Tūcq; re probè gesta  
methodoq; quam circa medicationem per In-



dicum lignum adnotauimus, inhærendo, certam fiduciam habere poteris integræ sanitatis acquirendæ.

Nunc demum ad corrigenda symptomata descēdamus. Tametsi nos multa recensuimus, cum de symptomatis agebatur: nihilominus quatuor sunt potissimum, quorum nos singillatim rationem habere est necessum. Primum grauitas scapularum. Secundum iugulorum & summorum humerorum dolor. Tertium faucium rubor & calor. Quartum pilorum casus, & visus hebetudo: quæ ideo vnâ coniunximus, quia ambo ab unica causa pendent, & eadem ferè curatione opus habent, differente tantummodo ex natura affectarum particularum. Grauitas igitur scapularum, quoniam à substantia vitiosorum humorum scapularum musculis incumbente est orta, vacuari pustulat, & quanuis multa sint vacuationis genera, commodissima tamen est ea quæ fit per tenues meatus cutis, cum sit magis vicina exitui, & minus periculo exposita. Vacuare vero per cutem possunt quæcunque rarefaciunt, subiecta attenuât, deterguntq; euocantq;. de his autem dictum est abunde, cum de curatione pustularum, quæ per totum corpus sparguntur, agebatur, ad



quæ recurrendum, ne eadem nos iterum frustra repetamus. Atqui iugulorum dolor expetit & hoc medicamenti genus. Verum quoniam eius materia altius est infixæ, scilicet & in membranam, qua ossa integuntur, & in tendones musculorum, qui ad summum humerum peruenere: tanto tenuior & leuior esse debet, quanto meatus membranarum & tendonum meatibus carniū sunt angustiores. Sicut igitur minorem gravitatem parit in particula cui insidet: ita dolorem per acridinem, quam in sese habet, sæuiorem. Cum præterea sit alia causa doloris sæuioris & obstinioris, scilicet suæ particulæ densitas multo utrique maior carniū densitate: & propterea & mitiore medicamentorum materia, magisq; rarefaciente opus habet. Pinguibus igitur admiscenda erunt, quæ tenuem caliditatem in sese habent: neque incommodum fuerit aliquid tantillum admiscere, quod modice sensum obscurer, hebetetq;. Vsi sumus verbis, tantillum, & modice: ne ex copiosiore usu obstupescantium, tendones & membranæ plus iusto densentur, & contumatiores fiant. Sumito igitur medullæ vitulinæ & adipis anserini pares portiones, opopanax & sulphuris vtriusq; prædictorum sextam partem,



opii, croci, singulorum sulphuris solius duo  
 decimam partem, ceræ pars quarta medullæ  
 esto & adipis. cera cum medulla & pinguedi  
 ne lique scat, quibus liquefactis cætera tenui  
 ter puluerizata adiiciantur, & statim ubi cum  
 spathula miscueris, ab igne amoueantur.  
 Quod si magis digerere volueris, augeto sul  
 phuris quantitatem: sin magis rarefacere &  
 remollire, addito ad quantitatem pinguedi  
 nis & medullæ, & opopanacis, vel pro me  
 dulla uitulina utitor ceruina, & pro opopa  
 nace sagapeno. Hoc medicamento calente  
 particulas dolentes illinito, uerum prius lin  
 teo tepido particulas illas leniter perfricato,  
 ab illitione lana ex æsypo pingui & calente  
 obuoluito. Possunt consimilia medicamenta,  
 dempto opio, scapularum grauitati opitula  
 ri. Quod si vehementioribus euocantibus uti  
 volueris, poteris pro pinguedine & medulla,  
 uti oleis scilicet chamemelino, vel anethino:  
 vehementius vero fuerit irinum & lauri  
 num, & oleum vetus, & cedrinum. poteris  
 etiam admiscere adipem leonis uel pardi,  
 vel hyenæ, quibus admisceri possunt & radix  
 bryoniæ, & aristolochia, & radix asphode  
 li, nitrum, arsenicum ustum, melantheria, &  
 eiusmodi: Immo & euphorbium, si uehemen

G iiii



risime volueris euocare. Hæc verò de grauitate scapularum & doloribus iugulorum, & cæterarum solidiorum partium satis sunt. Nunc vero de faucium rubore, & calore.

Faucium rubor & calor statim ubi appareant, ni supprimantur, inflammationem accersent, inflammatio autē si semel accesserit, nisi citissime amoueat, vlcus exedens parit. tanta est huius morbi malignitas. Faucium igitur rubor & calor ubi statim apparent, quæ refrigerant, quæq; adstringunt, adhibenda, & humores, ne influant cohibendi. Cohibentur illis ipsis quæ refrigerant, & adstringunt: præterea & reuulsionibus ad inferna. Refrigerant & adstringunt leuiter quidem posca, & lac chalybeatum: uehementius, acuti lapathii decoctum & succus: adhuc uehementius, rubi decoctum, & canini rubi: item mali punicæ & balaustiarum decocta. his vero addi possunt & succus vixæ acerbæ, & rhois succus, & hipocystidos, & acaciæ. Atqui deorsum trahunt acuti clysteres, frictiones partium inferiorum, vincula supra cubitos admota, præterea & cucurbitulæ præcordiis affixæ, scapulisq;. Si subsederint rubor & calor, inflammationis cessat omnis timor: Sin non subsederint quidem, & iam inflammatio ac-



cēsserit, & iam vlcus exedens pepererit, tametsi de eiusmodi vlceribus iam antea satis abunde suo loco dixerimus, nunc obiter & hoc vnum adiiciamus, quod vix eiusmodi vlcera citra suffumigationem sanari queunt. Cætera enim medicamenta ab salua abluuntur, nec suæ facultatis vix imprimere quicquam possunt. Quamobrem nunc etiam ex usu erit aliquid de suffumigiis addidisse. & primum quidem dicemus quibus suffumigia conueniant, quibus vero minime.

Suffumigia sunt ex usu his, quibus in faucibus vlcus malignum hæret, & quibus in gargareone, quibus etiam in palato, præterea & his qui difficulter & non nisi recta ceruice spirant, insuper & his qui in thorace multos frigidos succos habent. Iis uero ex usu non est, qui sanguinem tussi reiectauere, neque non iis, qui morbo sicco circa thoracem male habent.

Suffumigium vero in hunc modum parare oportet. Sedeat languens, totus linteis operiatur, crura ab inuicem diducat, caput ita deorsum inclinet, vt facies genibus sit vicina, ore hiet, & ponatur suffumigium inter crura, & fumū ore hiāte excipiat. Atqui melius fuerit si per infundibulū excipiat, Iā vero qui



bus ad suffitum vti possimus, explicandū.

In suffitu omnia ad siccitatem spectent. Hæc vero sunt quibus suffiri licet. Castoriū, Aristolochia, Bitumen, Sandarache, Ladanū, Terebinthina, Chalaminthe, Styrax, Mastiche, Thus, Cucumeris agrestis radix, Centārium, Fœniculi semen. Fortiora sunt Stibium & Myfi, & Cinnabari. In compositis illud est experientia comprobatum, in humidis affectibus & pectoris & capitis, leue tamen est, ac commodatum delicatioribus, & humidioribus naturis. Constat id ex Styrace, Terebinthina, Sandaracha, & Mastiche æquis portionibus. quod si siccantius facere uolueris, addito Cinnabaris plus, minus vè pro mali magnitudine, & temperatura naturali totius corporis & affectæ partis. Hæc de suffumigiis. Nunc uero de casu capillorum & barbæ.

Dicebamus supra ex splendore & nitore cutis, & oculorum, & ex priuatione pruritus & mordacitatis, astrui posse, minime materiā alienam subesse cuti & tunicis oculorū, (materiæ enim alienæ cutem, & oculorum tunicas fœdant, non illustrant), immo potius per quandam simplicem & alienam caliditatem rarefieri cutim & tunicas, In cute digerī, ac dissipari pilorum alimentum, In oculis spiritus



uifui inferuientes. Ex his autem duæ indica-  
 tiones elici poffunt, Vna ex caliditate illa non  
 infigni cutis & tunicarum oculorum, Altera  
 ab earundem immodica raritate: Illa refrige-  
 rationem, hæc adftrictionem indicat. Refrige-  
 rat ambiens aer, fi talis effe contigerit, fin non  
 fit talis, apparetur eo pacto, quo alias fupe-  
 rius dictum fuit. Item corporis & animi tran-  
 quillitas & quies, & longus & altus fomnus.  
 Sicut contra, exercitationes, & ira, & vigiliæ  
 in externis calorem augent. Quamobrem ine-  
 diam exercitationes, iram, & quicquid cale-  
 facere corpus potest, auerfator. Venereis ab-  
 ftineto. Purgationes, fanguinis detractiones,  
 omnes deniq; euacuationes, præter eas quæ  
 naturæ funt confuetæ, vt maxime hoftiles de-  
 clinato. Sunt ex vfu lauationes, primum  
 quidem ex tepida, dehinc uero ex frigida, ad  
 hunc enim modum frigida uis altius penetra-  
 bit, & fuam facultatem imprimet. quæ fi alu-  
 minofa & ferrea fit, quales ex fpon-  
 te multæ funt in Italia, cutem præterea &  
 tunicas oculorum densabit, cogetq; & vtraq;  
 ratione ambo hæc fymptomata, retinendis  
 pilorum alimentis, & vifuiis fpiritibus, re-  
 parabit, corrigetq; neque efficacius reme-  
 dium reperiri poffe crediderim. Sed & ocu-



li & facies sæpissime lauētur ex pōsca ad-  
modum diluta. conſtet ea ex aqua rofacea,  
& rofaceo aceto. eſto vero ſub ſolis calore  
tepefacta. Illinantur item oculi ex ouorum  
albis diutissime in plumbeo mortario bene  
mundo agitatīs. Lacte inſuper muliebri iam  
nonnihil aceſcente.

**F I N I S.**

Er  
Prior nu  
b poſteri  
dicat.  
2.2.7.les  
battara  
liter. b. 9  
trinſecis  
b. 1. 3. em  
fus. 16.  
lege b  
b. 17.  
27.2.  
praeſe  
m 41



## Errata suis locis restituenda.


Prior numerus folium, a priorem paginam,  
b posteriorem, posterior numerus lineam in-  
dicat.

2. a. 7. lege Itali. 10. fuerint. 27. conscripsit. 4. a.  
b. attaratq. 12. excremētōsum. 5. a. 16. sensibi-  
liter. b. 9. accersit. b. a. 18. refractiones. 6. 28. ex-  
trinfecis. 7. a. 15. illustrantur. 10. a. 25. oh rem.  
b. 15. errūpentes. & sic vtrique. 14. a. 18. abscef-  
fus. 16. b. 25. crassam. 27. exest. 17. b. 4. potest  
lege sine interrogatione. 18. a. 10. refrigerari  
b. 17. hyænæ. 24. a. 28. vuæ. b. 1. papaueris  
27. a. 10. sensisse. 28. a. 16. calefactione. 31. a. 9  
præseruatione. b. 22. vero. 38. b. 27. κυκλάμι-  
νον 41. a. 2. uel. 41. b. 12. humiditatum.











AND

SALI

SC

F

EPI

Vena

lore

I

E

Y

S

E

C

N

S

I

D

APVD

W